

四庫全書考證

一三



貴州省圖書館
中文書



J
17.8

證考書全庫四 1, 84

(三十)

輯纂等岳太王

四庫全書考證卷三十一

史部

綱目分注拾遺

續宋編年資治通鑑

靖康要錄

通鑑續編

大記事續編

元史續編

三朝北盟會編

蜀鑑

東南紀聞

炎徼紀聞

宋史紀事本末

四庫全書考證

卷三十一

明史紀事本末

左傳紀事本末

一二五四

綱目分注拾遺 溧陽芮長恤撰

卷一

巫蠱條掘地求偶人刊本掘訛握今改。

朱穆奏記又掠奪百姓刊本掠訛涼據通鑑改。

卷二

楊駿條及中書令何邵刊本邵訛邵據通鑑改。

卷三

李諤上書以傲誕云云刊本以傲誕訛指儒素據通鑑改。

以高仙芝爲安西四鎮節度使條藤橋闊盡刊本闊訛閣據通鑑改。

卷四

李泌諫易太子條注綴在黃臺瓜辭之下刊本臺瓜二字互倒今改。

張仲武條注幽人心向仲武刊本幽訛幽據通鑑改。

蠻寇安條南知峯州者言于瑑刊本瑑訛涿據通鑑改。

續宋編年資治通鑑 宋劉時舉撰

卷三

宋高宗紹興三年。玠一日夜馳三百里。至饒風。原本風訛州。據綱目改。

卷五

十一年。布衣劉允升上書訟飛冤。原本允訛元。據綱目改。

卷七

三十一年。敵帆皆以油纈爲之。原本油訛錦。據綱目改。

卷九

孝宗乾道六年。止可奉遷。卽俟刻期之報。原本刻訛到。據綱目改。

卷十一

光宗紹熙五年。上曰。始除熹經筵耳。今乃事事欲與聞。原本脫聞字。據綱目增。

卷十二

寧宗慶元元年。太學生楊宏中等六人上書。刊本脫中字。據綱目增。

卷十四

嘉定八年。金主急召花帽軍於山東。原本於訛爲。據綱目改。

靖康要錄 不著撰人名字

卷一

孝慈淵聖皇帝。案宋史作恭文順德仁孝皇帝。又母曰恭惠皇后。惠宋史作顯。並與此異。
五年二月乙巳條。太保武昌軍節度使。原本太訛少。據宋史改。

六月乙亥。詔納故少傅恩平郡王朱伯材女孺人朱氏爲妃。案乙亥。宋史作癸未。與此異。

卷二

六日手詔條。司馬光范仲淹可贈太師。案宋史作追封范仲淹魏國公。贈司馬光太師。與此異。
十九日聖旨條。近差承議郎劉棐。原本棐訛傑。據宋史改。

卷三

十一日發運判官陸寘條。尋盟修好。原本修訛尋。據左傳改。

二十八日。少宰吳敏劄子鄆國公榘。案宋史及通鑑俱作鄆王楷。並與此異。

卷四

九日。少宰吳敏奏尹焯鄧肅之流。原本焯訛淳。據宋史改。

卷七

九日宋喚責授單州團練副使條得所與余都蠟書原本覩訛都據通鑑改。

卷八

六日聖旨條朝奉郎呂好問原本好訛言據宋史改。

九日臣僚上言吳敏責授崇信軍節度副使涪州安置原本崇訛同涪訛若並據宋史改。

二十一日詔孫傳條尹焞補和靖處士案宋史作賜布衣尹焞為和靖處士。

通鑑續編 明陳經撰

卷一

帝譽高辛氏在位七十年注伯虎仲熊刊本虎訛亮據左傳改。

卷二

丙子春二月契丹大赦建元注父曰容我梅里案遼史后父婆姑梅里名月梳與此異。

甲申夏六月契丹主侵吐渾等部注抵霸室山六里刊本室訛里據遼史改。

壬寅晉主敬瑭殂注馬步都虞侯景延廣刊本廣訛度據五代史改。

卷三

庚申趙匡胤稱皇帝注翰林承旨陶穀刊本闕穀字據宋史補

卷四

宋太平興國四年以石熙載簽書樞密院事刊本書訛署據宋史改又師圍太原注凡得州十縣四十戶十三萬案綱目續編作州十軍一縣四十一戶十三萬宋史帝紀作三萬語俱互異
雍熙三年張齊賢大敗契丹于士鐙堡注師出并州至北井刊本北井訛柏井據宋史改

卷六

天聖七年契丹蕭孝穆帥師討之注遼東無權醑鹽麩之法刊本麩訛麩法訛征並據遼史改
九年契丹封李德昭子元昊爲夏國公刊本脫元字今增

卷七

嘉祐六年以司馬光同知諫院注光復上疏刊本光訛者據宋史改

起復濮安懿王子宗實知宗正寺注凡十八表而後許之案宋史帝紀作奏四上乃聽與此異

卷八

熙寧三年以司馬光爲樞密副使注諸侯變禮易樂者刊本侯訛使據宋史改

四年開封府推官蘇軾乞罷注造端宏大民實驚疑刊本民訛名又所喪逾多刊本逾訛渝並據宋史

改

置洮河安撫使。命王韶主之。原本詔訛詔。主訛立。又脫之字。並據宋史改增。

卷九

八年。遼主殺其后蕭氏。注。伶官趙惟一。刊本惟訛清。據遼史改。

元豐六年。夏主秉常上表。注。王師徂征。刊本徂訛祖。征訛疆。並據宋史改。

八年。詔百官言政闕失。注。詔榜朝堂。刊本榜訛謗。據宋史改。

卷十

元祐三年。戶部獻天下民數。注。主戶一千二百一十三萬。案宋史哲宗紀無一千二字。

八年。以范純仁爲尙書右僕射。注。上疏論純仁不可復相。刊本論訛諭。據宋史改。

元符三年。詔復元祐黨人范純仁等官。注。得地難耕。刊本難訛必。據宋史改。

卷十一

崇寧元年。議復湟州。注。蔡京蔡卞請復湟鄯。刊本鄯訛澮。據宋史改。

大觀四年。有星孛于奎婁。注。託爵祿以市私恩。刊本託訛記。據宋史改。

卷十三

靖康二年。宗澤敗金人于衛州。注。澤計敵衆十倍。刊本十訛士。據宋史改。

卷十四

建炎三年。扈從統制苗傅。劉正彥作亂。注。前言二將學不足如何。刊本將訛相。據宋史改。
四年。張浚退守興州。注。或請徙治夔州。刊本夔訛瓊。據綱目續編改。

卷十五

紹興三年。劉子羽之師潰于饒風關。注。雖入三州。而得不償失。刊本得失二字互訛。今改。

卷十七

十七年。趙鼎卒于吉陽軍。注。令本軍月具存亡申省。刊本脫省字。據綱目續編增。

卷十九

慶元二年。籍僞學罷。吏部侍郎黃由。注。曾受僞學舉薦。刊本受訛度。據綱目續編改。

嘉定元年。王柵還自汴。注。柵未之知也。刊本柵訛相。據綱目續編改。

卷二十

八年。蒙古殺張鯨。注。改元興龍。刊本龍訛隆。據元史改。

卷二十一

寶慶六年。金崔立執其梁王從恪。注。凡車三十七兩。刊本脫車字。據金史增。

卷二十二

嘉熙三年。孟珙遣師分道禦蒙古。注。命弟瑛以精兵五千駐松滋。刊本弟訛晉。據綱目續編改。

大事記續編 明王禕撰

卷一

漢孝昭皇帝始元五年。夏陽男子張延年詣闕自稱衛太子。刊本延年訛威遂。據漢書改。

卷二

孝宣皇帝甘露三年。詔諸儒講五經同異於石渠閣。解題。穀梁。則尹更始劉向周慶。刊本慶訛度。據漢書改。

卷三

孝元皇帝初元五年。罷角觝上林宮館。希御幸者。刊本館訛謂。又脫御字。並據漢書改增。

卷六

孺子嬰居攝元年。安衆侯劉崇起兵討莽。刊本衆訛漢。據漢書改。

卷九

世祖光武皇帝建武二十三年。陳留太守王況爲大司徒。解題。玉音肅。刊本玉訛況。據漢書改。

卷十

顯宗孝明皇帝永平二年。是歲始迎氣于五郊。解題。四方之兆。各依其方。中央之兆。在未。刊本脫各依其

方中央之兆八字。據漢書增。

卷十一

肅宗孝章皇帝建初八年。虎賁中郎將竇憲奪沁水公主田。解題。憲陰喝不得對。刊本脫憲字。據後漢書增。

卷十五

孝順皇帝建康元年。太子卽皇帝位。解題。何其效僻之多歟。刊本效訛放。據後漢書改。

卷十八

孝靈皇帝建寧二年。段熲大破先零羌于射虎塞外谷。解題。轂馬揚埃。刊本轂訛穀。又徵糧粟鹽鐵之積。刊本鐵下衍縑綵二字。又轉輸勞來之費。刊本脫來字。並據後漢書改刪增。

卷十九

中平六年。中常侍張讓等殺進於嘉德殿。解題。我奈何楚楚與士人共對事乎。刊本人訛子。又共對二字互倒。據後漢書改。

孝獻皇帝初平三年。以征西將軍皇甫嵩爲車騎將軍。刊本脫征字。據後漢書增。

卷二十三

安樂思公延熙十三年。魏罷校事官。解題。初無校事之官干預庶政者也。刊本庶下衍民字。據魏志刪。

魏元皇帝咸熙元年。鍾會反。衆誅之。解題。故給使使宣語三軍言會反。刊本給訛給。據晉書改。

卷二十八

晉中宗孝元皇帝大興元年。廣武愍侯劉琨爲匹段碑所害。解題。公甚似劉司空。刊本空訛公。又庚寅。李矩都督司州諸軍事。司州刺史。刊本脫諸事。又事訛中。並據晉書改增。

卷二十九

孝宗穆皇帝永和元年冬。張駿降焉耆。刊本焉訛馬。據晉書改。

卷三十

哀皇帝隆和元年。龍驤將軍袁真爲西中郎將監豫司并冀四州軍事。刊本司訛州。據晉書改。

卷三十一

烈宗孝武皇帝太元四年。秦陷盱眙。解題。後禁毛盛。刊本後訛右。據晉書改。

卷三十二

太元十五年。秦將軍魏揭飛攻後秦杏城。解題。萇固壘不戰。刊本脫固字。據晉書增。

卷三十三

安皇帝隆安元年。沮渠男成推涼建康太守段業爲涼州牧。刊本建下行始字。又隆安五年。武威王利鹿孤稱河西王。解題。且首兵始號。事必無成。刊本兵訛然。並據晉書刪改。

卷三十六

宋高祖武皇帝劉裕永初元年。宋初限荊州將吏。解題。吏不得過五千人。刊本千訛百。據宋書改。

卷三十七

魏高宗文成皇帝和平二年。魏大旱。復羣祀。刊本羣訛郡。據通鑑改。

卷三十八

魏高祖孝文帝延興五年。魏置河東鹽官。解題。近池之民。又輒障客。刊本池訛地。據魏書改。

宋蒼梧王元徽四年。宋袁粲劉秉謀誅蕭道成。不克。解題。時立一意。則衆莫能改。刊本改訛決。據南史改。

卷四十八

煬皇帝大業元年。開通濟渠。刊本渠訛梁。據北史改。

卷五十一

唐太宗文武皇帝貞觀十五年。命兵部尙書李勤等爲四道行軍總督。刊本脫爲字。據唐書增。

卷五十三

則天順聖皇后武氏垂拱三年。殺劉禕之。解題。不經鳳閣鸞臺。何名爲敕。刊本經訛乾。據唐書改。

卷五十八

玄宗明皇帝天寶七載。高力士加驃騎大將軍。解題。由是還內宅。不復與事。刊本脫與事二字。據唐書增。

十四載。徵祿山不至。解題。西據洛陽。刊本洛訛維。據漢書改。

卷五十九

肅宗皇帝上元二年。李揆貶袁州長史。刊本脫袁州二字。據唐書增。

卷六十

德宗皇帝建中三年。馬燧等大敗田悅于洹水。解題。悅求救於青恒冀李維岳李納合兵萬二千人救悅。刊本脫求字。又脫李納二字。並據唐書增。

卷六十一

貞元十六年。鄭餘慶貶郴州司馬。刊本脫郴州二字。據唐書增。

卷六十三

憲宗皇帝元和七年。營田振武天德。解題。人耕百畝。刊本畝訛頃。據唐書改。

十二年。李愬襲破蔡州。解題。嚴緩次于蔡州西鄙。刊本鄙訛略。又其徒白官發之。八月留守呂元膺。以兵掩邸。刊本發訛散。留訛劉。又光顏徐曰。我去室家久。刊本徐訛視。並據唐書改。

卷六十四

穆宗皇帝長慶元年。貶禮部侍郎錢徽中書舍人。解題。宰相段文昌學士李紳以所善諉徽求致第籍。刊本諉訛誘。據唐書改。

卷六十五

文宗皇帝開成三年。戶部尙書楊嗣復。戶部侍郎李珣同平章事。解題。德裕再徙鎮而宗閔故在貶地。刊本故訛。據唐書改。

卷六十六

武宗皇帝會昌四年。加司徒李德裕太尉衛國公。解題。大兵隨以北。繇是所向多負。刊本所訛。取據唐書改。

卷六十九

僖宗皇帝光啓元年。李克用救河中。解題。因示僞詔。克用方與全忠有隙。信之。刊本脫之字。據唐書增。

卷七十

昭宗皇帝天復三年。楊師厚大破王師範。解題。繡與曹公爲敵。刊本爲訛立。據五代史改。

卷七十五

晉高祖皇帝石敬瑭天福元年。鎮州牙將祕瓊逐節度副使李彥珂。刊本李訛率。據五代史改。

元史續編 明胡粹中編

卷一

世祖皇帝至元十三年。宋以益王昞判福州。原本昞訛昱。據宋史改。

卷五

成宗皇帝元貞元年三月。安南入貢。注且謝寬貫恩。原本貫訛貫。今改。

卷八

仁宗皇帝延祐二年。以楊載爲浮梁州同知。注李侯有佳句。往往似陰鏗。原本鏗訛鐘。據杜少陵集改。

卷十

文宗皇帝至順元年。敕贖罰銀鈔給大禧宗禋院。原本禧訛禧。據毛詩改。

三朝北盟會編 宋徐夢莘撰

卷三十四

靖康元年。太學生陳東伏闕上書。臣等素與綱無半面之雅。與邦彥亦昧平生。原本脫彥字。據宋史增。

卷四十九

李綱抵河陽論罷起兵等事劄子。國之大事在戎。原本戎訛我。據國語改。

卷六十六

分命使人往陝西授范致虛五路宣撫使。原本致訛治。據宋史改。

卷七十五

二年中興姓氏錄。至在圍城中上書。不爲時相所容。原本上訛尙。又脫不字。案本卷前文云。何奩拜相。力主戰議。劉幹極言不可輕戰。遂落職。又引靖康小錄云。幹以言章罷守禦。今據改。

卷九十五

再申大元帥府狀。天祐有宋。必將有主。原本脫有主二字。據左傳增。

卷九十九

汴都記。副元帥宗澤。原本脫澤字。據宋史增。

卷一百二十九

建炎三年。汪伯彥責授江州團練副使。原本脫練字。據宋史增。

卷一百九十八

紹興九年。郭守中阻兵闕蜀。原本脫兵字。據宋史增。又按郭宋史作祁。

蜀鑑 宋郭允蹈撰

卷五

晉永和三年條。德陽今遂寧府。原本德訛得。又脫遂字。並據宋史改增。

卷六

宋元嘉三年。龐詒據武興。原本龐上行秦字。據資治通鑑吉翰爲梁秦二州刺史。詒守始平。翰遣據武興。此蓋節錄其文而誤衍耳。今刪。

卷七

唐天寶十五年。帝至散關。條分將六軍以次之。原本脫將字。據資治通鑑增。

卷九

西南夷本末。漢永平十七年。白狼夷稱臣。條巖阻峻回。原本巖訛若。據漢書改。遣使立異牟尋爲南詔王。條賜以銀窠金印。原本脫金字。據通鑑增。

東南紀聞 不著撰人名氏

卷二

靖康建炎間。關中奇士趙宗印提義兵擊敵。所向輒下。會宋師敗于富平。宗印知事不濟。大慟于王景略廟。披髮入華山。不知所終。案宗印本僧徒。大言無實。靖康末用之。致敗。宋史頗載其詳。此條所記。殊非實錄。

唐高祖實錄武德二年詔自今每正月五月九月十月直日並不得行刑公私宜斷屠殺此三長月斷屠殺之始也。寶萃注引釋氏智論云云。案寶萃嘗作新唐書音義者。此所引注蓋卽唐書音義中文。今其書不傳。

炎徼紀聞 明田汝成撰

卷一

岑猛條。自叙漢舞陰侯岑彭後。原本舞訛武。後訛子。並據後漢書改。又都御史姚鏞。原本鏞訛謨。據明史改。

卷二

斷藤峽條。惜費不可以成事。原本複衍成字。今刪。

卷四

孟養條。貴姓曾思仁。案思仁。明史作思任發。又思仁。少子思祿。案思祿。明史作思陸發。並與此異。

宋史紀事本末 明馮琦原編 陳邦瞻增輯

卷三

契丹盟好條。自古北口至柳河。回曲殆千里。欲夸示險遠。刊本脫口字。曲字。並據宋史增。

卷四

天書封祀條。其書黃字三幅。詞類洪範道德經。刊本其訛有。據綱目續編改。

卷五

正雅樂條。卽依前譜次第成曲。其徵聲自同本律。刊本徵訛徹。據張溥本改。

卷六

夏元昊拒命條。緣邊都巡檢楊遵與戰敗績。環慶都監齊宗矩援之。刊本環訛還。據宋史改。

卷七

英宗之立條。又上言。陛下得臣疏。不以留中。而付中書。刊本又上二字訛作人字。據綱目續編改。

卷八

王安石變法條。因難琦奏曰。如桑弘羊籠天下貨財。以奉人主私用。乃可謂興利之臣。今陛下修周公遺法。抑兼井。振貧弱。非所以佐私欲。安可謂興利之臣乎。刊本脫今陛下至興利之臣二十七字。據綱目

續編增。

卷九

西夏用兵條。復出兵追。夏人殺其老幼二百。刊本追訛還。據綱目續編改。

卷十

元祐更化條。雖曰平均物值。而其實不免貨交取利。刊本值訛置。據綱目續編改。

卷十一

建中初政條。貶惇武昌節度副使。居潭州。刊本脫副字。據綱目續編增。

道教之崇條。帝奉玉冊玉寶如玉清和陽宮上玉帝尊號。刊本脫陽字。據綱目續編增。

卷十二

金滅遼條。發契丹奚軍三千。及中京禁兵等七千屯出河店。刊本河店二字互倒。據遼金史改。

卷十三

二帝北狩條。帝命濟王栩如金營報謝。刊本營訛宮。據張溥本改。

卷十四

李綱輔政條。帝乃出綱奏。責授邦昌保化軍副使。潭州安置。并安置王時雍。刊本脫并安置三字。據綱目

續編增。

卷十六

張浚經略關陝條。斛輸錢三十頭。子錢二十二。刊本脫下錢字。據宋史增。

卷十七

秦檜主和條。金將議和。當遣一人授書。還報欲弁與倫探策決去留。刊本脫欲字。據綱目續編增。

卷十九

孝宗之立條。且薦徽猷閣待制范冲兼翊善。刊本脫范冲二字。據宋史增。

卷二十

孝宗朝廷議條。管仲嘗三戰三北。刊本脫下三字。又寄食出胯下。刊本脫下字。並據史記增。

卷二十一

道學崇詘條。待制以上則有朱熹、徐誼、彭龜年、陳傅良、薛叔似、章穎。刊本脫叔似二字。據宋史及朱子大全集增。

卷二十二

兩朝內禪條。皇太后爲壽聖皇太后。刊本壽聖二字互倒。據宋史改。

卷二十三

蒙古侵金條。尙宮左夫人鄭氏掌寶璽。刊本夫人訛大夫。據宋史改。

卷二十四

史彌遠廢立條。起居郎魏了翁考功員外郎洪咨夔相繼言竝之寃。刊本咨訛啓。據宋史改。
會蒙古兵滅金條。南門守者棄門走。門洞開。刊本洞訛西。據張溥本改。

卷二十五

蒙古連兵條。彥呐至蜀口。檄帳前總管和彥威以軍還沔。刊本檄訛輟。據宋史改。

卷二十七

蒙古陷襄陽條。萬戶史格一軍先渡。刊本戶訛方。據宋史改。

明史紀事本末 浙江學政僉事谷應泰編

卷二

平定東南條。元順帝二十二年。賀仁德走縉雲。刊本仁德二字互倒。據上文改。

卷五

方國珍降條。太祖吳元年。進次餘姚。降其知州李樞及上虞縣令沈煜。刊本令訛邑。今改。

卷六

太祖平閩條。不數日奄至福州五虎門。刊本缺州五二字。據明史補。

卷九

略定秦晉條。由河南河渡克武陟。刊本陟訛涉。據明史改。

卷三十

麓州之役條。又追敗之高黎貢山下。刊本貢訛共。據下文改。

卷五十四

嚴嵩用事條。不記鈐山堂二十年清寂耶。刊本年訛早。據王士祿上浮集改。

卷六十

諳達封貢條。汾洲文水清源諸處。刊本文訛又。據一統志改。

卷六十二

援朝鮮條。朝鮮釜山與日本對馬島相望。刊本鮮釜訛解金。又對馬二字互倒。並據明史改。

卷六十五

礦稅之弊條。谷應泰評尹人璣貝。刊本尹訛甘。據周禮改。

卷七十

平徐鴻儒。刊本儒訛孺。據明史改。

卷七十一

魏忠賢亂政條。中書舍人吳懷賢下獄。刊本賢訛學。據明史改。

卷七十五

中原羣盜條。崑崙大盜高加計。刊本崑崙二字互倒。據明史改。

左傳紀事本末詹事府詹事高士奇撰

卷一

王朝交魯條。文公元年。王使毛伯衛來錫。公命刊本錫訛賜。據注疏本改。

卷三

王臣之事條。宣公十六年。補逸。乃講聚三代之典禮。刊本脫講字。據國語增。

卷四

王室庶孽之禍條。昭公二十一年。補逸。瓦絲尙宮匏竹尙議。刊本議訛義。據國語及韋昭注改。又案徐堅初學記引作竹尙商絲尙宮匏土尙徵。又二十二年辛丑。伐京毀其西南。案唐經南下有子朝奔郊四字。

卷七

魯文姜之亂條。桓公十八年。補逸。失親戚之禮命。刊本禮訛理。據管子改。

卷九

三桓弱公室條。莊公二十三年。補逸。常事曰視。非常曰觀。刊本非常訛無事。據穀梁傳改。又元定公年。榮駕鸞。按駕宋本作駕。

卷十一

魯與邾莒構怒條。襄公四年補逸。魯婦人之鬢而弔也。自敗于臺駘始也。刊本敗訛戰。據檀弓改。

卷十二

郊祀雩祭條。定公元年補逸。大旱雩祭而請雨。刊本脫旱字。據春秋繁露改。

卷十六

齊滅紀條。莊公四年補逸。諸侯世故國君爲一體也。刊本故訛君。據公羊傳改。

卷十八

齊桓公之伯條。僖公九年補逸。北伐山戎離枝孤竹。按離枝國語作令支。

卷二十二

陳氏傾齊條。昭公二十六年補逸。若有播越在于四方。此臣之罪也。刊本越訛之。據晏子春秋改。又哀

公十四年。適豐丘。豐丘人執之以告。刊本脫豐丘二字。據注疏本增。

卷二十三

曲沃併晉條。莊公十六年補逸。更號曰晉武公。始都晉國。刊本武上衍侯字。據史記刪。

卷二十四

驪姬之亂條。僖公十年補逸。若此而入自明。明則驪姬必死。刊本脫一明字。據穀梁傳增。又知而背之。

不信謀而困人不智。刊本背訛有據國語改。

卷二十五

晉文公之伯條。僖公二十八年。楚人救衛不克。刊本衛訛魏。據注疏本改。

卷二十六

楚莊王圖伯條。宣公十二年。補逸。鄭伯肉袒牽羊奉鬻而獻國。刊本奉訛春。據賈誼新書改。又十八年。補逸。楚文王好服解冠。刊本文訛莊。服解訛作解。字並據淮南子改。又攷證。楚相孫君諱饒。字叔敖。本是縣人。刊本缺是字。據古文苑孫叔敖碑補。

卷二十七

晉景楚共爭霸條。成公十六年。補逸。子反辭以心疾。共王駕而往視之。刊本往視之訛作自往二字。據韓非子改。

卷三十一

晉卿族廢興條。發明賈季奔狄而狐氏廢。刊本賈季二字互倒。又狐訛狄。今改。又閔公元年。攷證。晉獻公之十六年。伐霍魏耿。而趙夙爲將。刊本脫伐霍魏三字。又脫而字。並據史記增。又成公八年。補逸。乃二人謀取他人嬰兒負之。衣以文葆。刊本脫衣字。又昔下宮之難。屠岸賈爲之。刊本之訛人。並據史記增改。又定公十三年。補逸。譬之其猶鞞革者也。刊本脫其字。據新序增。又十四年。補逸。吏曰。

此三軍之事也。刊本事訛士。據說苑改。

卷三十三

晉失諸侯條。襄公三十年。史趙曰。亥有二首六身。刊本史趙二字互倒。據注疏本改。又昭公八年。補逸。平公曰。客子爲樂。刊本子爲訛之無。據說苑改。

卷三十七

衛懿公亡國條。閔公二年。補逸。與百姓同勞苦。以收衛民。刊本收訛救。據史記改。

卷三十九

衛孫甯廢立條。襄公二十七年。補逸。子苟納我。我請與子盟。刊本請訛欲。據公羊傳改。又酒酣而送之。以璧。顧反過而弗辭。刊本過訛顧。據呂氏春秋改。

卷四十四

子產相鄭條。襄公十九年。鄭子孔之爲政也。專國人患之。刊本脫專字。又二十二年。鄭游販將如晉。未出竟。遭逆妻者。刊本妻訛姜。又三十一年。車馬有所賓。從有代。刊本代訛待。並據注疏本增改。又補逸。叔嚮歸曰。鄭有人。刊本脫歸字。據呂氏春秋增。又昭公六年。火未出而作火。以鑄刑器。刊本器訛書。據注疏本改。

卷四十五

楚伐滅小國條。桓公八年補逸。成王舉我先公。乃以子男田令居楚。刊本王訛。公據史記改。又莊公六年補逸。使王子革。王子靈共據菜。二子出採。見老人載圖。乞焉不與。刊本菜訛萊。又脫乞焉二字。又十四年補逸。此不穀之過。保將何罪。刊本將訛者。並據說苑增改。

卷四十九

楚靈王之亂條。昭公四年補逸。軍人粲然皆笑。刊本軍下衍中字。據穀梁傳刪。又七年補逸。翟王之自爲室也。堂高三尺。刊本自訛國。據新書改。

卷四十九

吳通上國條。襄公十一年補逸。封其後爲二。其一虞在中國。刊本在訛仕。據史記改。

卷五十

闔閭八郛條。昭公二十年補逸。子胥默然遂行。刊本脫遂字。又適會女子擊綿于瀨水之上。刊本擊訛繫。並據吳越春秋增改。又二十七年補逸。實倉廩。治兵庫。斯則其實也。刊本脫其字。據吳越春秋增。

卷五十一

勾踐滅吳條。昭公十四年補逸。太子未有定。我入則決矣。刊本則訛前。又哀公元年補逸。是寡人之不智也。而爲相國快意耶。刊本國下衍者字。又十七年補逸。分以丹青錯畫文章。刊本以訛爲。又二十二年補逸。公位乎分國共之。刊本公訛分。又蠡去時。陰晝六。陽晝三。日前之神莫能制者。刊本脫。

日字並據吳越春秋刪改增。

卷五十二

秦穆公伯西戎條。文公四年補逸。上含淳德以遇其下。刊本含訛念。據史記改。

四庫全書考證卷三十二


史部

東觀漢記

建康實錄

隆平集

古史



東觀漢記 漢劉珍等撰

目錄卷七

宗室列傳 趙孝王良 弘 梁 案弘梁二人各書俱不載其追封爵謚故目錄僅列其名。

原序

原序案羅願此序載文獻通考維時東觀漢記祇存八篇至元時遂全佚今所稟輯者已與序語不相符合以其爲書原序故仍冠卷端

卷一 帝紀一

光武紀節侯孫考侯案范書考侯名仁光武祖鉅鹿都尉回從弟也考姚本作孝非又上將生皇考以令舍下濕開宮後殿居之案李賢范書光武紀注引蔡邕光武碑文云光武將生皇考以令舍不顯開宮後殿居之而生與本書合范書謂光武生於縣舍殊爲舛誤又上生時有赤光室中盡明如晝皇考異之使卜者王長卜之長曰此善事不可言此數句姚本有之而文略今從永樂大典本又是歲鳳凰來集濟陽故宮皆畫鳳凰聖瑞萌兆始形于此上爲人隆準日角大口美鬚眉長七尺三寸此數句姚本有之而文略今從永樂大典本

固始侯兄弟爲上言案固字永樂大典訛因字考范書李通傳建武二年封通固始侯本書蓋據後日封

號以目通耳。今改。又獨內念李氏富厚。父爲宗卿師。案范書李通傳云。世以貨殖著姓。父守爲王莽宗卿師。通家居富逸。爲閭里雄。李賢注云。平帝五年。王莽攝政。郡國置宗師以主宗室。當時尊之。故曰宗卿師。又諸李遂與南陽府掾史張順等連謀。案范書李通等傳。不載張順之名。賴本書以正其疎漏。又遂市兵弩絳衣赤幘。又上歸舊廬。望見廬南若火光。以爲人持火呼之。光遂盛。赫然燭天。有頃不見。異之。又初伯升之起也。諸家子弟皆逃。自匿曰。伯升殺我。及聞上至。絳衣大冠。服將軍服。乃驚曰。以爲獨伯升如此也。仲謹厚亦如之。又上騎牛與俱。殺新野尉。後乃得馬。此數十句。姚本有之。而文稍異同。今並從永樂大典本。

遣圍宛城。王莽懼。遣大司徒王尋。大司空王邑。將兵來征。此數句。姚本有之。而文甚略。今從永樂大典本。又更始立。以上爲太常偏將軍。案前漢書莽傳云。莽地皇四年三月。漢立聖公爲帝。四月。莽遣尋邑發兵。范書光武紀與前漢書同。惟謂更始卽位在是年二月。今尋釋本文。則似更始之立。又在王莽發兵之後。與班范二書異。又時無印。得定武侯家丞印。佩之入朝。此三句。姚本有之。而文有異同。今從永樂大典本。又二公兵到潁川。嚴尤陳茂與合。案前漢書王莽傳。莽地皇三年四月。遣嚴尤陳茂擊荊州。范書光武紀。更始元年正月。伯升破嚴尤陳茂于清陽。是時尤茂餘軍尙駐潁川。故尋邑與之合也。又李賢後漢書注。引桓譚新論云。莊尤字伯石。言嚴。避明帝諱也。又且圍之數百重。案百范書作十。又時漢兵在定陵。鄢者聞二公兵盛。皆怖。永樂大典鄢訛鄢。據范書改。

更始以上爲大司馬。遣之河北。此二句。姚本有之。而文有異同。今從永樂大典本。

故趙繆王子臨說光武決水灌赤眉。案臨。范書作林。

漢軍破邯鄲。誅郎。入王宮。收文書。得吏民謗毀公言。可擊者數千章。公會諸軍。燒之曰。令反側者自安也。案范書光武紀文。與此同。王郎傳則云。郎夜亡走。道死。追斬之。說復小異。又此數句。姚本有之。而文有

異同。今從永樂大典本。

詔曰。馮異軍雁門。此條。原本闕。案范書光武紀及異傳。皆不載此詔。惟異拒朱鮪。李軼時。曾北攻天井關。拔上黨兩城。異軍雁門。恐卽此時。

初王莽時。上與伯升及姊婿鄧晨。穰人蔡少公。燕少公道。讖言劉秀當爲天子。或曰。是國師劉子駿也。上戲言曰。何知非僕邪。坐者皆大笑。此條。姚本有之。而文有異同。今從永樂大典本。

乃命有司。設壇于鄗南。千秋亭。五成陌。六月己未。卽皇帝位。改元爲建武。改鄗爲高邑。此條。姚本有之。而文略。今從永樂大典本。

高祖以十月爲正。以漢水德。立北時。而祠黑帝。至孝文時。賈誼。公孫臣以爲秦水德。漢當爲土德。永樂大典。誤弘。案史記漢書張蒼傳。以漢爲土德。請改正朔。易服色者。乃魯人公孫臣。非弘也。且弘非孝文時人。其誤無疑。今改。

上遣游擊將軍鄧隆。與幽州牧朱浮。擊彭寵。隆軍潞。浮軍雍奴。相去百餘里。遣吏上奏言。寵破在旦暮。上

讀檄未竟。怒曰：兵必敗。比汝歸可知。吏還未至。隆軍果爲龍兵掩擊破。浮軍遠至不敢救。以兵走幽州。咸曰：上神。案是時浮爲幽州牧。彭寵攻浮于薊。則寵爲客。浮爲主。非浮遠至也。范書云：帝讀檄怒曰：營相去百里。其勢豈得相及。龍果大破隆軍。浮遠遂不能救。最得其實。本書至字疑衍。

三年十月。上幸春陵祠園廟。大置酒。與春陵父老故人爲樂。此條姚本有之。而文略。今從永樂大典本。四年五月。上幸盧奴。爲征彭寵故也。考范書光武紀。建武四年。幸盧奴。遣祭遵討張豐。不言征彭寵。當是。蔚宗失載。又盧奴。永樂大典誤靈奴。今據范書改。又自王莽末。天下旱霜連年。百穀不成。元年初。耕作者少。民饑饉。黃金一斤。易粟一石數斛。姚本亦有之。而文略。且不編于光武紀中。別以斤金斗粟爲目。綴輯他卷內。今移編于此。其文則悉從永樂大典本。又至二年秋。天下野穀旅生。此二句姚本有之。而文有異同。今從永樂大典本。

六年二月。吳漢下朐城。天下悉定。唯獨公孫述隗囂未平。上曰：取此兩子置度外。乃休諸將。置酒賞賜之。案范書光武紀。蓋平董憲龐萌也。又范書隗囂傳。改爲關東悉平。考是時尚有盧芳未降。原文似不如。范書之密。又乃休諸將云云。姚本有之。而文略。今從永樂大典本。又開心見誠。與人語好醜無所隱諱。圖講天下事。極盡下恩。永樂大典好醜句下。誤接二年紀文宗祀高祖以酬上帝數句。據太平御覽移正。

七年正月。詔羣臣奏事無得言聖人。又舊制上書以青布囊素裹封書。此句姚本亦有之。而文略。且不編。

于光武紀中別以囊封爲目綴輯于他卷內今從永樂大典本。又河西大將軍竇融與五郡太守步騎二萬迎上永樂大典五郡訛五部據范書改。

建武十一年遣輕騎至成都燒市橋案范書吳漢傳漢攻廣郡拔之遣輕騎燒成都市橋故光武下詔書有堅據廣都之語本書不載漢拔廣都當是脫佚。又有獻名馬寶劍直百金此句姚本有之而文有異同今從永樂大典本。

建武十三年詔曰刺史太守多爲詐巧不務實核苟以度田爲名聚人田中并度廬屋里落聚人遮道啼呼此條之前姚本有光武閱傷前世權臣太盛外戚與政數句案此條已見明帝紀今刪正。

十九年上幸南陽汝南至南頓止令舍大置酒賜吏民復南頓田租一歲此數句姚本有之而文稍異同今從永樂大典本。

中元二年前上以天下既定思念欲完功臣爵土不令以吏職爲過故皆以列侯就第恩遇甚厚遠方貢甘珍必先徧賜列侯而大官無餘有功輒增封邑故皆保全此條姚本有之而文略今從永樂大典本。

光武封新野主子鄧汎爲吳侯姚本主悞王汎悞佞據范書鄧晨傳改。又后父陰睦宣陽侯姚本睦訛隆案李賢范書陰后紀注云東觀記后父名睦今世本睦作陸范書亦作陸當是由睦誤陸由陸誤隆而姚本未之考耳。又皇考女弟子來歙征羌侯案范書來歙傳歙父仲娶光武祖姑而傳中述隗囂將王遵語又以歙爲光武外兄李賢注云歙光武姑子故曰外兄其說自相違戾當以本書爲正。

卷二 帝紀二

孝明皇帝諱陽。一名莊。世祖之中子也。案明帝本名陽。建武十九年立爲皇太子。始改名莊。范書明帝紀直作諱莊。蓋舉後以概前。觀光武建武十九年詔書可見。

年十三。通春秋。上循其頸曰。吳季子。陽對曰。愚戇無比。案東觀爲漢時本朝之史。不應稱帝名。當屬後人所加。

永平八年。明帝幸南陽。祀舊宅。此條後姚本有元年營造明堂靈臺辟雍十字。係光武中元元年事。誤入明帝紀。今刪。

章帝元和二年。帝至岱宗柴望畢。白鶴三十從西南來。經祀壇上。案白鶴三十。范書章帝紀作黃鶴三十。章帝賜尙書劔各一。手署名韓稜。楚龍泉。邳壽。蜀漢文。陳寵。濟南鍛成。案范書韓稜傳。鍛成作椎成。李賢注載漢官儀作鍛成。與本書合。

和帝孝和元年。詔有司京師離宮園池。悉以貸貧人。案和帝建元永元。孝和二字舉諡號也。單于乞降。賜玉具劔羽蓋車一駟。中郎將持節衛護焉。案范書南匈奴傳作玉劔四具。羽蓋一駟。又案范書南匈奴傳。持節衛護者任尙也。

永元十年五月。京師大雨。南山水流出。至東郊。壞民廬舍。此條後姚本有九真言嘉禾生一條。係安帝延光二年事。誤入和帝紀。今移正。

安帝永初二年雁門烏桓及鮮卑叛。五原郡兵敗于高粱谷。案范書安帝紀作高渠谷。李賢注謂渠梁相似。必有一誤。

順帝永建四年漢陽率善都尉蒲密因桂陽太守文藝獻大明珠。案范書不載密名。

六年望都蒲陰狼殺女子九十七人。案李賢范書順帝紀注云。章帝改曲逆爲蒲陰。屬中山。范書他本或作蒲陰訛也。

陽嘉二年汝南童子謝廉。河南童子趙建。年十三各通一經。以太學初繕。召而至。皆除郎中。案范書順帝紀陽嘉元年太學新成。除郎中者儒補郎舍人。二年復除京師者儒年六十以上者補郎舍人及諸王國郎。而不載除童子爲郎中事。

冲帝永嘉元年案永嘉袁宏後漢紀作元嘉。今從范書。

延熹七年十月上幸雲夢。至新野公主壽張敬侯廟。姚本熹訛壽。敬侯下衍一主字。今刪改。又五國並建。其二絕者祠之。案范書樊宏傳宏封壽張侯。宏弟丹封射陽侯。兄子尋封玄鄉侯。族兄忠封亢父侯。宏少子茂封平望侯。是五國也。李賢注樊儵傳。一宗五侯。句不數平望之封。而以宏封長羅。又封壽張。析而爲二。不知宏改封壽張。則長羅之國已除。豈可列之爲二國邪。

靈帝紀有黑氣墮所御溫明殿庭中。案溫明。范書靈帝紀作溫德。司馬書五行志。則與本書同。

卷四 百官表

交趾刺史持節案歐陽詢藝文類聚載苗恭交廣記一條云建安二年南陽張津爲交趾刺史交趾太守士燮表言伏見十二州皆曰州而交獨爲交趾刺史天恩不平詔聽之以津爲交州牧交之稱州蓋自此始其前祇稱交趾刺史也

建武元年復設諸侯王金縷緌綬案前漢書諸侯王鑿綬晉灼曰鑿草名出瑯琊平昌縣似艾可染綠因爲綬名又案急就篇注緌蒼艾色東海有草其名曰蔴以染此色因名緌云知鑿與緌通也

卷五 志

天文志注案劉昭司馬書天文志注引蔡邕表志云言天者有三家一曰周髀二曰宣夜三曰渾天案徐堅初學記引此文竟題爲蔡邕志今案此乃表志之文非卽蔡志也

卷六 列傳一

明德馬皇后傳章帝曰太后時廣平鉅鹿樂成王在邸入問起居朕從上望見車騎鞍勒皆純黑無金銀采飾馬不踰六尺于是白太后卽賜錢五百萬案范書馬后紀亦作五百萬可證永樂大典作五萬之訛

孝崇隱皇后傳隱夫人生桓帝案范書蠡吾侯翼夫人馬氏隱則翼媵妾也

卷七 列傳二

城陽恭王祉傳。元帝初元四年。徙南陽之白水鄉。猶以春陵爲國名。案永樂大典初元訛初平。據范書本傳改。

東平憲王蒼傳。章帝幸東平。祭東平王墓云。思其人。到其鄉。其處在其人亡。范書本傳作帝追感念蒼。以此語其諸子。與此小異。

孝德皇傳。永元四年。上移幸北宮章德殿。講白虎觀。慶得入省宿止。案上指和帝也。姚本上字訛王字。今改。

卷八列傳三

鄧禹聞上安集河北。卽杖策北渡。追及于鄴。上欣其至。禹進說曰。更始雖都關西。今山東未安。赤眉青犢之屬。動以萬數。三輔假號。往往羣聚。更始既未有所挫。而不自聽斷。諸將皆庸人。崛起志在財幣。爭用威力。朝夕自快。非有忠良明智。深慮遠圖。欲尊主安民者也。明公雖建蕃輔之功。猶恐無所成立。于今之計。莫如延攬英雄。務悅民心。立高祖之業。救萬民之命。以公而慮天下。不足定也。上大悅。因令左右號禹曰鄧將軍。常宿止于中。與定計議。此條姚本有之。而文略。今從永樂大典本。

鄧禹傳。鄧禹攻赤眉賊不利。吏士散已盡。禹獨與二十四騎還詣雒陽。案雒陽。范書鄧禹傳作宜陽。

鄧陟傳。永初元年。以定策功增封陟三千戶。讓不獲。遂逃避使者。閉關上疏自陳。考范書陟傳。閉關作閼。李賢注猶崎嶇也。案陟爲太后弟。避位上疏。卽不見聽。未至閼。關本書閉關于義爲長。

鄧閻傳案閻袁宏後漢紀作閻

鄧訓五子及女弟爲貴人立爲皇后鄧氏自中興後累世寵貴凡侯者二十九人公二人大將軍以下十
三人中二千石十四人州牧郡守四十八人其餘侍中大夫郎謁者不可勝數東京莫與爲比此條姚
本有之而文甚略今從太平御覽本

賈復傳賈復爲縣掾迎鹽河東會盜賊起等輩欺沒其鹽復獨完致縣中案欺沒范書復傳作放散其鹽
似不若本書之尤確

耿弇傳更始使侍御史黃黨卽封世祖爲蕭王罷兵案黃黨姓名范書不載惟李賢光武紀注引續漢書
及之

帝起坐曰卿失言我繫卿案李賢范書弇傳注引司馬彪書作我斬卿

張步直攻弇營與劉歆等會戰弇升王宮環臺望之案李賢范書弇傳注云臨淄本齊國所都卽齊王宮
中環臺也此作環

耿國傳耿國字叔憲案憲范書作慮與本書異

卷九 列傳四

岑起傳案范書岑彭傳起作杞

馮異傳異薦邑子銑期叔壽殷建左隆等光武皆以爲掾史案殷建范書作段建李賢注引司馬彪續漢

書則與本書同。

王郎起兵。自上薊東南馳。晨夜草舍。夜至饒陽蕪蕪亭。案蕪。范書本傳作無。

念自修整。無爲郡縣所笑。案范書本傳笑作苦。

朱祐傳。案通鑑考異云。范書袁紀。朱祐皆作祐。考東觀記祐作福。本避安帝諱。而許慎說文祐字下。不云上諱。然則朱名當作示旁。如古今之古。不當作祐也。

祭遵傳。祭遵從征河北。爲軍市令。上舍中兒犯法。遵格殺之。上怒。命收遵。主簿陳副諫曰。明公常欲衆軍整齊。今遵奉法不避。是教令行也。上乃貸之。以爲刺姦將軍。語諸將曰。當避祭遵。吾舍中兒犯法尙殺之。必不私諸卿也。此條姚本有之。而文略。今從太平御覽增。

祭遵病薨。喪至河南縣。詔遣百官皆至喪所。上車駕素服往弔。望城門舉音。遂哭而慟。還幸城門。閱過喪車。瞻望流涕。上親臨祠以太牢。儀如孝宣帝臨霍將軍故事。此條姚本有之。而文略。今從永樂大典本。蓋延傳。延爲虎牙大將軍。與戰。永軍反走。溺水者半。後與戰。連破之。遂平沛楚。臨淮悉降。延令沛修高祖廟。置齋夫祝宰樂人。因齋戒祀高廟。此條姚本有之。而文略。今從水經注本。

卷十 列傳五

馬武傳。持戟奔擊殺數十人。案范書本傳十作千。

李忠傳。王郎遣將攻信都。馬寵等開城內之。收太守宗廣及李忠母妻子皆繫獄。而令親屬招呼忠。時寵

弟從忠爲校尉。忠卽時召見。責數以背恩反賊。因格殺之。諸將皆驚曰。家屬在手中。殺其弟何猛也。忠曰。若縱賊不誅。則二心也。上聞而美之。謂忠曰。今吾兵已成也。將軍可歸救老母妻子。忠曰。蒙明公大恩。思得効命。誠不敢內顧宗親。此條姚本有之。而文略今從永樂大典本。

劉植傳。姚本植訛桓。今改。

劉嘉傳。案此別一劉嘉。非范書宗室四王三侯之順陽懷侯嘉也。

竇融傳。光武詔封竇融曰。行河西五郡大將軍。張掖屬國都尉。竇融執志忠孝。扶微救危。仇疾反虜。隗囂率厲五都精兵。羌胡畢集。兵不血刃。而虜土崩瓦解。功旣大矣。篤意分明。斷之不疑。吾甚嘉之。其以安豐陽泉蓼安風凡四縣封融爲安豐侯。此條姚本有之。而文略今從永樂大典本。

卷十一 列傳六

來歙傳。隗囂圍來歙于略陽。世祖詔曰。桃花水出。船檣皆至。郁夷陳倉分部而進。案司馬書郡國志。右扶風有陳倉無郁夷。蓋東漢時省。又案此條永樂大典及姚本俱無。今從水經注補入。

來歙與蓋延攻公孫述將王元。破之。蜀人大懼。使刺客刺歙。歙未死。馳告蓋延。延見歙伏悲。不能仰視。歙叱曰。故呼卿欲屬以軍事。而反効兒女子泣涕乎。延收淚強起受所誠。歙自書表。投筆抽刃而死。此條姚本有之。而文略今從永樂大典本。

樊重傳。家素富。外孫何氏兄弟爭財。重恥之。以田二頃解其忿訟。縣中稱美。推爲三老。年八十餘。臨終。其

素所假貸人間數百萬。遺令焚削文契。債家聞者皆慙。爭往償之。諸子從勅。竟不肯受。此條姚本有之。而文略今從永樂大典本。

樊宏傳。案宏後漢紀作密。

樊梵傳。樊梵爲尚書郎。每當直事。常晨駐馬待漏。雖在閒署。冠劍不解于身。每齋祠恐失時。乃張燈俯伏。此條姚本有之。而文略今從永樂大典本。

樊準傳。姚本前後兩見。一作樊准。編于傅俊傳後。一作樊準。編于魯恭傳後。準爲御史中丞。一條則兩傳俱有之。今刪其複出。合并編正。

卷十二列傳七

馬援傳。馬援爲郡督郵。送囚至府。囚有重罪。援哀而縱之。亡命北地。遇赦留。此條永樂大典姚本皆無之。今從太平御覽補。

馬援與楊廣書曰。車丞相高祖園寢郎。一月九遷爲丞相者。知武帝恨誅衛太子。上書訟之。案前漢書車千秋傳。千秋由高寢郎數月始爲丞相。與本書所引微異。

馬援好事。至荔浦。見冬筍。名曰苞筍。上言禹貢厥包橘柚。疑謂是也。其味美于春夏筍。此條永樂大典及姚本無之。今從太平御覽補。

馬援謂官屬曰。吾在浪泊西里烏間。案烏間。太平御覽及范書本傳俱無烏字。恐是地名。

馬援行亭鄣到右北平。詔書賜鉅鹿縑三百匹。此條永樂大典及姚本無之。今從太平御覽補。

馬防傳。馬防字公平。案范書本傳公平作江平。與此異。

章帝建初元年。馬防爲車騎將軍。城門校尉。置掾史。位在九卿上。絕席。此條姚本有之。而文略。今從永樂大典本。

馬客卿傳。案史例。應書名客卿。不應獨書字。緣其名不可考。姑仍傳文標目。

馬融傳。融才高博洽。爲通儒。教養諸生。常有千數。涿郡盧植。北海鄭元。皆其徒也。善鼓瑟。好吹笛。達生任性。不拘儒者之節。居宇器服。多存侈飾。常坐高堂。施絳紗帳。前授生徒。後列女樂弟子。以次相傳。鮮有入其室者。此條姚本有之。而文略。今從永樂大典本。

梁統傳。疏稱元帝初元五年。輕殊死刑三十四事。哀帝建平元年。輕殊死刑八十一事。其四十二事。手殺人者。減死一等。案范書統傳約之云。臣竊見元哀二帝。輕殊死之刑。以一百二十三事。手殺人者。減死一等。考范書所載。減輕條目。其數與原文不合。蓋緣元帝所輕三十四事。范書未曾統計耳。賴本書載統疏原文。可訂其訛。

梁竦傳。悼騷賦。雖吞刀以奉命兮。抉目眦于門閭。案竦賦本以悼子胥屈原。此句正用伍員事也。雖字疑是胥字之訛。

梁商傳。梁商安定烏氏人。考史家體例。凡子孫附于祖父傳者。但于祖父傳中書明爲某地人。後此更不

復載。此條當是梁統傳文。後來採摘東觀漢記者移入商傳。

卷十三 列傳八

伏隆傳。姚本隆作盛。蓋當時避殤帝諱。今改。

宋弘傳。上嘗問宋弘通儒之士。案通儒之士。或傳寫有訛。考范書本傳作通博之士。太平御覽引本書與范書同。文義較妥。今仍原本。

張湛傳。湛爲太子太傅。及郭后廢。因稱疾拜太中大夫。病居中東門侯舍。故時人號中東門君。此數句姚本有之。而文略。今從永樂大典本。

杜林傳。隗囂乃出令曰。杜伯山。天子所不能臣。諸侯所不能友。蓋伯夷。叔齊。恥食周粟。今且從師友之位。須道開通。使順其志。林雖拘于囂。而終不屈節。建武六年。弟成物故。囂乃聽林持喪東歸。旣遣而悔。追令刺客楊賢于隴坻遮殺之。賢見林身推鹿車。載致弟喪。乃歎曰。當今之世。誰能行義。我雖小人。何忍殺義士。因亡去。此條姚本有之。而文略。今從永樂大典本。

馮勤傳。偃爲黎陽令。案偃父揚。宣帝時已爲太守。則偃自是西漢末人。本書不應爲立專傳。故此條附入勤傳。編于馮勤曾祖揚一條後。

兄弟形皆偉壯。惟勤祖偃。長不滿七尺。常自謂短陋。恐子孫似之。乃爲子伉娶長妻。生勤。長八尺三寸。此條永樂大典及姚本無之。今從太平御覽補。

趙熹傳。趙熹奮迅行伍。此條永樂大典及姚本無之。當是序中語。今從李善文選注補編于傳末。

卷十四列傳九

朱鮪傳。世祖以岑彭嘗爲鮪校尉。令彭說鮪曰。赤眉已得長安。今公誰爲守乎。蕭王受命平定燕趙。百姓安土歸心。賢俊四面雲集。今北方清淨。大兵來攻。雖保一城。欲何望乎。不如亟降。案是時光武已卽位。史官載筆。不應稱蕭王。恐抄撮記文者有訛。

鮑永傳。上謂鮑永曰。我攻懷三日。兵不下。關東畏卿。且將故人往。卽拜永諫大夫。至懷。謂太守曰。足下所以堅不下者。未知孰是也。今聖主卽位。天下已定。不降何待。卽開城降。案通鑑考異云。范書無更始河內太守據懷事。光武本紀亦無攻懷一節。而田邑與永書稱主亡一歲。莫知定所。則永衍之降。必在建武二年。幸脩武時。脩武亦河內縣也。其稱降懷等事。當是史誤。又此條永樂大典及姚本無之。今從太平御覽增。

馮衍傳。饑者毛食。寒者裸跣。案李賢范書注云。毛。草也。衍集作無。今俗猶然。或古者毛與無通用。又夫并州之地。東帶石陘關。北逼強胡。案范書本傳作東帶名關。

馮豹傳。豹好儒學。以詩傳教授。案范書本傳作豹。以詩春秋教麗山下。與此稍異。

卷十五列傳十

丁鴻傳。肅宗詔鴻與太常樓望。少府成封。屯騎校尉桓郁。衛士令賈逵等集議白虎門。使五官中郎將魏

應主承制問難待中。湛于恭奏上帝親稱制臨決。鴻以材論最明。儒者稱之。數嘆美焉。時人嗟曰。殿中無雙丁孝公。此條姚本有之。而又略。今從太平御覽本。又范書本傳。白虎觀論五經同異者。尙有明帝子廣平王羨。本書未載。

王丹傳。丹資性清白。疾惡豪強。此條永樂大典及姚本無之。今從太平御覽補。

王良傳。王良爲大司徒司直。姚本無司直二字。考范書良傳。敍鮑恢到東海事。與本書多同。時良正爲大司徒司直。今從永樂大典增。

郭伋傳。郭伋細侯爲并州牧。前在州素有恩德。老小相攜道路。行部到西河美稷。有兒童數百各騎竹馬于道次迎拜。伋問兒曹何自遠來。對曰。聞使君始到。喜故奉迎。伋辭謝之。事訖。諸兒送出郭外。問使者何日當還。伋使別駕計日告之。旣還。先期一日。伋爲違信。止于野亭。須期乃入。此條劉知幾史通駁之云。方伯儀比諸侯。草萊稚子安能自陳襟抱。不可信一也。方伯案部。供具有程。安能輕赴數童之期。居止無常。不可信二也。晉陽無竹。安得羣戲竹馬。不可信三也。案伋于并州舊有德政。童子歡迎。理宜有之。史記稱山西饒材竹。則晉陽未嘗無竹也。行部供具。尤非循吏舉動。劉說殊爲迂謬。

茨充傳。茨充爲桂陽太守。考范書與此同。惟賈勰齊民要術稱充爲桂陽令。案爲令不能下令屬縣矣。賈說舛訛。

卷十六 列傳十一

班超傳。班超字仲升。扶風平陵人。徐令彪之子也。爲人大志。不修小節。然內孝謹。居家常執勤苦。不恥勞辱。有口辯。而涉獵書傳。此條永樂大典及姚本無之。今從太平御覽補。

班超自以久在絕域。年老思土。上疏曰。臣常恐年衰。奄忽僵仆。不敢望到酒泉郡。但願生入玉門關。此條永樂大典及姚本無之。今從太平御覽補。

鄭衆傳。永平八年。北匈奴遣使求和親。上遣鄭衆持節使匈奴。衆素剛烈。至北庭。虜欲令拜。衆不爲屈。單于大怒。圍守閉之。不與水火。欲脅服衆。衆拔刀自誓。單于恐而止。此條姚本有之。而文略。今從永樂大典本。

桓榮傳。初桓榮遭倉卒困厄時。嘗與族人桓元卿俱摺拾。投間輒誦詩。元卿謂榮曰。卿但盡氣爾。當安復施用時乎。榮笑而不應。後榮爲太常。元卿來候榮。榮諸弟子謂曰。平生笑盡氣力。今何如。元卿曰。我農民安能預知如此。此條姚本有之。而文略。今從永樂大典本。

桓郁傳。帝自制五家要說章句。令郁校定于宣明殿。考李賢范書郁傳注云。五家。五行之家。案下文有上自講所制五行章句之語。知李注爲確也。

上問郁曰。子幾人能傳學。郁曰。臣子皆未能傳學。孤兄子一人學方起。考李賢范書桓榮傳注引華嶠書云。榮長子雍早卒。范書郁傳云。榮卒。郁當襲爵。讓于兄子汎。則郁所謂學方起者。當指汎言。

桓礪傳。姚本礪訛礪。據李賢傳注改。

桓譚傳。光武卽位。拜議郎。此條永樂大典及姚本無之。今從李善文選注補入。

桓譚。諷訕圖讖。有詔會議靈臺所處。上謂桓譚曰。吾欲讖決之。何如。譚默然良久曰。臣不讀讖。上問其故。譚復極言讖之非經。上大怒曰。桓譚非聖無法。將下斬之。譚叩頭流血。良久乃得解。此條姚本有之。而文略今從永樂大典本。

劉軼傳。姚本軼訛輟。今改。

溫序傳。溫序字次房。爲護羌校尉。案通鑑考異。謂范書西羌傳建武九年。方置護羌校尉。序無緣作此官。本文舛誤。今識於此。以資考訂。

古初傳。長沙有義士古初。遭父喪未葬。鄰人火起。及初舍。棺不可移。初冒火伏棺上。會火滅。人以爲孝感。所致云。此條姚本有之。而文略今從永樂大典本。

逢萌傳。姚本逢訛蓬。據永樂大典改。

家貧。給事爲縣亭長。尉過迎拜。問事微久。尉去。舉拳擗地。嘆曰。大丈夫安能爲人役邪。遂去學問。案舉拳擗地句。范書本傳作擗楯。嘆曰。李賢注。亭長。主捕盜賊。故執楯也。

王莽居攝。子字諫莽。而莽殺之。逢萌謂其友曰。三綱絕矣。不去。禍將及人。解冠挂東都城門。歸家將浮海。客于遼東。此條姚本有之。而文略今從永樂大典本。

王霸傳。案此王霸。范書入逸民傳。非建武功臣之王霸也。

閔貢傳。周黨嘗遺仲叔生麻。仲叔嘆曰。我欲省煩耳。受而不食。案麻。范書作蒜。

卷十七 列傳十二

孫堪傳。姚本堪訛湛。據范書改。

鍾離意傳。意在堂邑。爲政愛利。輕刑慎罰。撫循百姓如赤子。案此條係意爲堂邑令時事。而李賢注范書意傳。乃繫之意爲魯相之下。考續漢書郡國志。堂邑屬臨淮。不屬魯。且本文有興功役者令句。則其非爲相時事可知也。今訂于此。以資考證。

趙孝傳。建武初。天下新定。穀食尙少。孝得穀。炊將熟。令弟禮夫妻俱出外。孝夫妻共蔬食。比禮夫妻歸。卽曰。我已食訖。以穀飯獨與之。積久。禮心怪疑。後掩伺見之。亦不肯食。遂共蔬食。兄弟怡怡。鄉里歸德。此條姚本有之。而文略。今從永樂大典本。

卷十八 列傳十三

第五倫傳。第五倫每見光武詔書。常嘆曰。此聖主也。當何由一得見決矣。等輩笑之曰。汝三皇時人也。爾說將尙不下。安能動萬乘主邪。倫曰。未遇知己。道不同故耳。此條姚本有之。而文略。今從永樂大典本。

鄧彪傳。鄧彪字智伯。彪少修孝行。厲志清高。與同郡宗武伯。霍敬伯。陳綏伯。張弟伯同志好。齊名。稱南陽五伯。此數句姚本有之。而文略。今從永樂大典本。

鄭均傳。兄仲爲縣游徼。頗受禮遺。均數諫止。不聽。卽脫身出作。歲餘。得數萬錢。歸以與兄。曰。錢盡可復得。

爲吏坐賊終身捐棄。兄感其語。遂爲廉潔。稱清白吏。此數語姚本有之。而文略今從永樂大典本。

廉范傳。章和二年。帝崩。廉范奔赴敬陵。還入城。見道中有諸生乘小車。馬頓死泥中。諸生立旁不能自進。時范問爲誰所從來。生白廬江太守掾嚴麟爲太守。奉章來弔。范惻然。令從騎下馬與之。不告而去。麟事畢。不知馬所歸。緣路訪之。或謂麟曰。故蜀都太守廉叔度好賙人窮。今奔國喪。當是時麟亦素聞范名。以爲然。卽牽馬造門謝而歸之。世服其好義。此條姚本有之。而文略今從永樂大典本。

陳元傳。案此傳姚本前後兩見。一編王緝傳後。一編尹勤傳後。並訛賀元。永樂大典亦同。今據常璩華陽國志及范書合并改正。

賈逵傳。賈逵長八尺二寸。能講左氏及五經本文。以大小夏侯書教授京師。爲之語曰。問事不休。賈長頭。此條永樂大典及姚本無之。今從太平御覽補。

召馴傳。召馴字伯春。案召永樂大典訛占。附訂于此。

宋揚傳。姚本揚訛陽。據范書改。

瀋于恭傳。瀋于恭字孟孫。北海人。以謙儉推讓爲節。家有山田橡樹。人有盜取之者。恭助爲收拾。載之歸。乃知是恭橡。盜載橡還之。恭不受。人又有盜刈恭禾者。恭見之。念其媿。因自伏草中。至去乃起。此條姚本有之。而文略今從永樂大典本。

梁鴻傳。鴻將之會稽。作詩曰。維季春兮華阜。麥含金兮方秀。案含金。范書本傳作含含。與此異。

卷十九 列傳十四

張酺傳。酺爲太尉。父尙在。酺每遷轉。乃一到雒。父來適會正臘。公卿罷朝俱賀歲。奉酒上酺。父壽極歡。案酺每遷轉二句。范書本傳作酺每有遷職。輒一詣京師。常來候酺。措語有乖史體。遠遜本書之簡當。魯恭傳。魯恭爲中牟令。時郡國螟傷稼。犬牙緣界不入中牟。此條姚本有之。而文略今從永樂大典本。魯丕傳。姚本丕訛平。據范書改。

陳寵傳。寵爲尙書。性周密重慎。時有表薦。輒自手書削草。人莫得知。此條姚本有之。而文略今從永樂大典本。

魏霸傳。延平元年。仕爲光祿大夫。霸妻死。長兄伯爲霸取妻。送至官舍。霸笑曰。年老兒子備具矣。何用空養他家老嫗爲。卽自入辭。其妻奉案前。因跪曰。夫人視老夫復何中。而遂失計。義不敢屈。卽拜而出。妻慙求去。遂送還之。此條姚本有之。而文略今從永樂大典本。

黃香傳。父況舉孝廉。爲郡五官掾。案李賢范書本傳注引謝承書云。況爲葉令。與本書稍異。

黃香爲郎。詔詣安福殿。賜錢三萬。黃白絺各一端。此條永樂大典及姚本無之。今從太平御覽補。

汝郁傳。郁年五歲。母被病不能飲食。郁常抱持啼泣。亦不飲食。此條太平御覽不知汝字爲姓。遂編此條于孝女類中。類書抄撮。斯爲最舛。今訂于此。

楊震傳。震到雒陽都亭。案范書本傳作城西夕陽亭。

卷二十一 列傳十六

段穎傳。段穎上書言。掠得羌侯君長金印四十三。銅印三十一。錫印一枚。長史司馬涉頭長燕鳥校棚水。

塞尉印五枚。紫綬三十八。黃綬二枚。皆簿入也。此條姚本有之。而文略今從永樂大典本。

劉寬傳。劉寬簡略嗜酒。常有客。遣蒼頭市酒。迺久大醉而還。客不堪之。罵曰。畜產。寬須臾遣人視奴。疑必

自殺。顧左右曰。此人也。罵言畜產。辱孰甚焉。吾懼其死也。此條姚本有之。而文略今從永樂大典本。

張奐傳。休屠各及朔方烏桓並同。及遂燒度遼將軍門。列屯赤地。烟火相望。案赤地。范書奐傳作赤阬。

卷二十三 載記

赤眉傳。琅邪人樊崇字細君。起兵於莒。同郡東莞人逢安字少子。東海臨沂人徐宣字驕穉。謝祿字子奇。

及楊音各起兵。合數萬人。考前漢書王莽傳。赤眉力子都樊崇等起於琅邪。本書不載子都名。當是闕

佚。

王郎傳。王郎遣諫議大夫杜威持節詣軍門。案本書光武紀作杜長威。而范書王郎傳亦作杜威。與此互

異。

彭寵傳。彭寵奴子密等三人共謀劫寵。寵時齋。獨在便坐室中。晝夜臥。子密等三人縛寵著牀板。告外吏。

大王解齋。吏皆使休。又用寵聲呼其妻入室。見寵。此條姚本有之。而文略今從永樂大典本。

寵曰。趣爲諸將辦裝。兩奴將妻入取寵物。一奴守寵。寵謂奴曰。若小兒我所素愛。今解我縛。當以女珠妻若。小奴見子密聽其語。遂不得解。子密收金玉衣物使寵妻。纒兩縑囊。夜解寵手。令作記告城門將軍云。今遣子密等詣子后蘭卿所。其開出勿稽留。書成。卽斷寵及妻頭置縑囊中。西入上告。朝廷以奴殺主不義。復不可不封。乃封子密爲不義侯。此條姚本有之。而文略。今從永樂大典本。

卷二十四 佚文

後漢有南宮北宮承光宮也。又漢有沛宮甘泉宮太乙宮思子宮。後漢有胡桃宮。案此二條不似史體。疑是他書之文而誤題漢記者。今以無可考。姑從北堂書鈔及初學記錄入。

建康實錄 唐許嵩撰

卷一

吳太祖十三年分歛置始新。原本新訛所。據吳志改。

五年大將軍陸遜條。尙書古今大義。原本今訛人。據吳志改。

卷二

廢帝建興元年條。舊穀旣盡。新田不收。原本脫舊穀旣盡四字。據吳志增。

卷四

後主二年條。分豫章廬陵長沙爲安成郡。原本脫爲安成郡四字。據吳志增。

卷六

晉肅宗明皇帝二年條。臨陣斬前鋒何康鄧岳。注爲王敦參軍。原本王敦訛桓溫。據晉書改。
敦字處仲條。舉坐歎其雄爽。注敦乃開後閣。原本敦訛事。據晉書改。

卷八

康皇帝咸和元年。封吳王。原本吳訛爲。據晉書改。

孝宗穆皇帝八年。中軍將軍殷浩率衆北伐。原本脫將軍二字。據晉書增。

卷九

烈宗孝武皇帝條。坦之字文度。注以此爲濠上。悟之者得無鮮乎。原本脫鮮字。據晉書增。
后諱蒜子條。少聰明。原本聰明訛明德。據晉書改。

卷十

安皇帝隆安三年。恩旣自稱征東將軍。原本恩訛害。據晉書改。

卷十一

宋廢帝滎陽王二年條。未能忘言于悟賞。故與之遊耳。原本賞訛當耳訛矣。又脫與字。並據宋書改增。

卷十二

太祖文皇帝元嘉五年條。指陳得失。勿有所諱。原本指陳得失。訛直指陳失。據宋書改。
二十二年。南平王鐔爲冠軍將軍。原本冠軍訛九將。據宋書改。

卷十三

世祖孝武皇帝大明五年。彭城太守張岱。原本脫岱字。據宋書增。
少帝諱子業條。復淮南爲梁山郡。案梁山。宋書作南梁。

卷十四

太宗明皇帝泰始二年。連營至蕪湖。案蕪湖。宋書、南史俱作濃湖。
黃回傳。及破景素。原本景素訛候景。據宋書改。

卷十五

齊崔祖思傳。與刺史劉懷珍。原本劉懷珍訛桓護之。據齊書改。

卷十九

陳高祖武皇帝封新安縣子。原本安訛枋。據陳書改。
永定二年春三月。原本三訛正。據陳書改。

卷二十

陳朝功臣王元規條。自梁諸儒相傳爲左氏學者。皆以賈逵服虔之義難駁杜預。原本儒訛侯。又脫逵服。

二字並據陳書改增。

隆平集 宋曾鞏撰

卷三

至道二年條。于河陰獲嘉太原等倉。案獲宋史河渠志作合。攷唐時並無合嘉倉名。足訂宋史之誤。

卷五

李迪條。降太常卿。知密州。案密宋史作岳。與此異。

卷八

范仲淹條。州之西北有寨。據後橋川。刊本後訛復。據宋史改。

卷十四

錢昆條。吾當白衣。召至翰林。案宋史作吾當。自布衣。召至禁林。與此異。

卷十七

楊業。或曰繼鄴。麟州人。案宋史作楊鄴。并州太原人。父信。爲漢麟州刺史。與此異。

古史 宋蘇轍撰

卷二

五帝本紀。故堯禪舜。舜祀饗於郊。刊本祀訛祝。今改。

卷五

周本紀。于是大封功臣。刊本大封二字互倒。今改。又刑民之力。刊本形訛刑。據左傳改。又司商協名。姓。刊本名訛民。據國語改。又薦國為之師。刊本薦訛為。今改。

卷六

秦本紀。秦師又至。必將辟之。刊本又訛以。據左傳改。

卷七

秦始皇本紀。齊王建與其相后勝。刊本相訛宿。今改。又天子稱朕。固不聞聲。于是二世常居禁中。刊本脫不字。聞聲二字互倒。是訛世。並據史記增改。

卷八

吳太伯世家。壽夢說之。刊本脫夢字。今增。

卷九

齊太公世家。子成公說立。刊本說訛脫。據史記改。又管夷吾召忽。刊本脫忽字。今增。又敢不唯子是。從。刊本子訛二。據左傳改。又取謹及闡。刊本謹訛驩。據春秋改。

卷十

魯周公世家。以賂求慶父于莒而殺之。刊本殺訛立。據左傳改。

卷十二

蔡叔曹叔世家。齊桓公帥諸侯城夷儀而遷之。刊本脫侯字。今增。

卷十三

陳杞世家。慶氏求專陳國。刊本求訛不。又歲及鶉火而後陳卒亡。刊本後訛多。今並改。

卷十四

衛康叔世家。圍菟圃。刊本圍訛爲。據左傳改。又宋樂棐。刊本宋訛送。今改。

卷十五

宋微子世家。二國歸之。刊本二訛至。據左傳改。

卷十六

晉唐叔世家。曹共公亦不禮焉。刊本共訛文。又諜出曰。原將降矣。刊本諜訛謀。今並改。又蒐于清原。

刊本原訛源。又無終子嘉父。刊本脫父字。並據左傳改增。

卷二十一

魏世家。邊城盡拔。刊本邊訛遣。據史記改。

卷二十九

晉叔向列傳。邢侯與雍子爭鄙田。刊本鄙訛儗。據左傳改。

卷三十二

孔子弟子列傳。秦商父董父。刊本董訛董。據左傳改。又榮祈字子祺。刊本祺訛棋。據史記改。

卷四十

蘇秦列傳。韓北有鞏洛成皋之固。刊本脫洛字。據史記增。

卷四十一

張儀列傳。此吾在術中而不悟。刊本吾在二字互倒。又塞斜谷之口。刊本斜訛什。又伐取魏之曲沃。


平周。刊本平訛子。並據史記改。

四庫全書考證卷三十三

史部

通志上

四庫全書考證 卷三十三



通志上 宋鄭樵撰

卷一 三皇紀

黃帝軒轅氏案語。少典娶于有蟠氏。生黃帝炎帝。刊本脫炎帝二字。據國語增。又蚩尤冢在東平壽張闕鄉。居民常以十月祠之。刊本祠訛食。今改。

卷二 五帝紀

帝舜有虞氏集五瑞案集。尙書舜典作輯。

卷三 上三王紀

夏帝太康紀案語。羿焉彈日。刊本彈訛彈。據楚詞改。

帝相紀案語。羿棄其賢臣武羅伯。因而用寒浞。刊本因訛困。據左傳改。

帝太康紀。太庚子小甲立。注。小甲太庚弟。刊本庚訛丁。據史記及竹書紀年改。

卷三 下

周成王紀。召公營洛邑。方千七百二十丈。郭方十七里。案十七里。竹書紀年箋注作七十里。汲冢周書作七百里。俱與此異。

宣王紀。子幽王宮涅立。刊本涅訛渥。據史記改。

幽王紀。伯陽甫曰。夫天地之氣。不失其序。刊本不訛下。據史記改。

靈王紀。靈王冢在河南城西南栢亭。刊本栢訛相。據史記注及後漢書郡國志改。

卷四 秦紀

穆公紀。於是岐下食善馬者三百人。刊本脫善字。據史記增。

簡公紀。簡公。昭子之弟。刊本子訛公。據史記改。

昭襄王紀。穰伯冉復相。刊本冉訛免。據史記改。

始皇帝紀。更爲書賜扶蘇蒙恬。數以罪賜死。刊本恬下衍罪字。據史記刪。

卷五 上 前漢紀

秦軍復振。守濮陽環水。注。環音宦。刊本宦訛官。據漢書高帝紀注改。

高帝元年。羽使卒三萬人從漢王。楚與諸侯之慕從者數萬人。刊本慕訛募。據史記改。

三年七月。有星孛于大角。刊本脫于字。據漢書增。

卷五 下

孝文皇帝二年。與王興居去來者亦赦之。刊本居下衍居字。據史記及漢書刪。

孝武皇帝元狩六年六月。詔遣博士大等六人。刊本大訛八。據漢書改。

元鼎四年。立后土祠于汾陰。雕上。刊本雕訛雕。據漢書改。

五年歸義越侯嚴爲戈船將軍刊本脫侯字據漢書增。

征和三年殺兩都尉刊本兩訛南據漢書改。

孝宣皇帝本始元年賜右扶風德典屬國武廷尉光宗正德大鴻臚賢詹事畸刊本畸訛時案漢書顏師

古注作居宜切今據改。

孝成皇帝河平二年封舅譚商立根逢時皆爲列侯刊本脫譚字據漢書增。

鴻嘉二年六月立中山憲王孫雲客爲廣德王刊本脫客字據漢書增。

四年冬廣漢鄭躬等黨與變廣刊本變訛資據漢書及顏師古注改。

卷六上 後漢紀

顯宗孝明皇帝紀中二千石下至黃綬貶秩贖論者悉皆復秩還贖刊本脫復字據後漢書增。

肅宗孝章皇帝紀遣酒泉太守段彭救戊巳校尉耿恭刊本救訛救據漢書改。

孝和皇帝永元元年十月令郡國弛刑輸作軍營刊本軍訛宮據後漢書改。

孝安皇帝永初六年正月詔越巂置長利高望始昌三苑刊本利訛吏據漢書改。

卷六下

孝順皇帝永建四年是歲分會稽爲吳郡刊本郡訛都據後漢書改。

孝桓皇帝延熹七年祠湖陽新野公主刊本脫祠湖陽新野五字據後漢書增。

孝獻皇帝初平四年六月下邳賊闕宣自稱天子刊本闕訛關據漢書及魏文帝紀改。
興平二年楊奉董承引白波帥胡才李樂韓暹及匈奴左賢王去卑率師奉迎刊本去卑訛土單據漢書改。

卷七 魏紀

文皇帝黃初三年賜天下男子爵人一級刊本子訛女今改。

五年將吏士民犯五歲刑以下皆原除之刊本土訛死據魏志改。

卷八 蜀紀

後主十六年大將軍費禕爲魏降人郭循所殺于漢壽案循魏志作修。

卷十下 晉紀

康皇帝紀帝徒行至閩閩門升素輿至于陵所刊本脫至字據晉書增。

穆皇帝永和二年二月以左光祿大夫蔡謨領司徒錄尚書六條事刊本司徒訛尚書據晉書改。

升平元年三月壬申親釋奠于中堂刊本中堂二字互倒據晉書改。

廢帝紀右賢王曹毅率衆二萬侵苻堅杏城刊本脫苻堅二字又梁州刺史司馬勳反自稱成都王刊

本成都訛瑯琊據晉書改。

簡文皇帝咸安二年六月遣使拜百濟王餘句爲鎮東將軍刊本東訛軍據晉書改。

孝武皇帝太元九年。平陽太守慕容冲起兵背堅。刊本冲訛超。據晉書改。
安皇帝隆安二年。於是遣太常殷茂喻仲堪及元元等。走于尋陽。刊本脫遣字。又上元字訛桓。並據晉書
增改。

卷十一 宋紀

高祖武皇帝義熙四年。先是帝遣冠軍劉敬宣伐蜀。刊本脫冠字。先訛初。並據晉書增改。
六年。帝次山陽。聞敗。卷甲與數千人。造江上偵問。知賊尙未至。刊本江訛淮。偵訛徵。今增。
永初元年。諸流徙之家。並聽還本土。刊本脫土字。據宋書增。

世祖孝武皇帝孝建三年正月。立皇弟休範爲順陽郡王。刊本順訛類。據宋書改。

大明五年。加尙書令柳元景左光祿寺大夫。刊本柳訛楊。據宋書改。

太宗明皇帝泰始二年。廣州刺史袁曇案。袁曇宋書作袁曇遠。

卷十二 南齊紀

太祖高皇帝建元元年。降死罪以下刑。并申前赦恩百日。刊本并申訛非由。據齊書改。

四年。并中得一木簡。長一尺。廣二寸。刊本寸訛分。又會稽南山李斯刻秦望之封也。刊本封訛風。並據

齊書祥瑞志改。又鳳鳥戩翼翺且鳴。案祥瑞志作鳳鳥舒翼翺且鳴。又滎陽郡人丑千。案丑千祥

瑞志作伊午。下同。

卷十三 梁紀

高祖武皇帝中興元年。請東昏燒南岸邑屋。刊本岸訛崖。據南史改。

中大通五年。以尙書右僕射何敬容爲左僕射。刊本何訛王。據南史改。

太宗簡文皇帝大寶二年。豫章王棟卽位。使害新興王大莊于京口。刊本京訛宗。據南史改。

卷十四 陳紀

高祖武皇帝永定九年。封皇兄子長城縣侯。舊爲臨川郡王。刊本舊訛衛。據陳書改。

廢帝紀九月辛酉。刊本九訛八。辛酉訛庚戌。據陳書通鑑及本書年譜改。

後主貞明二年四月。有羣鼠無數渡淮。至於青塘兩岸。刊本脫渡字。據陳書增。

卷十五上 後魏紀

太祖道武皇帝天興元年。徙山東六州人吏及徒河高麗雜夷三十六萬。刊本雜訛新。萬訛署。據魏書改。

六年九月。規渡灑南面夏屋山背黃瓜堆。刊本脫面字。據魏書增。

卷十五下

高祖孝文皇帝延興二年。討安城王。刊本討訛封。據北史改。

太和十九年。詔諸州牧考屬官爲三等之科。刊本等訛年。據北史改。

二十年。詔介山之邑。聽爲寒食。自餘禁斷。刊本餘訛無。據北史改。

卷十六 北齊紀

高祖神武皇帝紀。后呼榮求救。賴榮遽下取之。刊本遽訛透。據北齊書改。
顯祖文宣皇帝天保三年。蠕蠕主阿那瓌殺從弟登。注。俟利。刊本利訛刑。據北齊書改。
七年四月。儀同三司婁叡討魯陽蠻。大破之。刊本魯訛智。據北史及北齊書改。
後主天統二年。封仁光爲淮南王。刊本光訛元。據北史及北齊書改。
五年。詔侍中叱列長文使于周。案文北齊書作又。

卷十七 後周紀

太祖文皇帝大統四年。遂進軍灑東。刊本灑訛灑。據北史及通鑑改。
十五年十一月。進圍仲禮。長史馬岫於安陸。刊本岫訛帖。據北史及本書改。
靜皇帝紀。封皇弟衍爲葉王。刊本衍訛衍。葉訛萊。據北史通鑑及通考改。

卷十八 隋紀

高祖文皇帝紀。可汗更入并州。刊本脫州字。據北史增。
煬皇帝大業五年。制民間鐵叉搭鉤。攢刃之類。刊本脫鉤字。據隋書及北史增。
十二年。東海人杜伏威。刊本脫伏威二字。據北史增。
恭帝義寧二年。朝議大夫沈光同謀討賊。刊本脫光字。據隋書及通鑑增。

卷十九 后妃傳

前漢史良娣傳。丹左將軍。刊本左訛大。據漢書外戚傳及史丹本傳改。

後漢馬皇后傳。儀狀膚髮上中以上。刊本下上字訛下。據後漢書后妃紀改。

和熹鄧皇后傳。永初元年。刊本初訛元。案明監本後漢書后妃傳作永平。考永平係明帝年號。永元係和

帝年號。皆與此無涉。今據安帝紀改。

蜀先主穆皇后傳。兄吳懿。刊本懿沿晉諱作壹。今據華陽國志改。餘並同。

卷二十

晉宣穆張皇后傳。其後柏夫人有寵。刊本柏訛相。據晉書改。

孝武文李太后傳。始簡文帝爲會稽王。有三子俱夭。刊本俱訛係。據晉書改。

宋武敬臧皇后傳。遷永陵平鄉君。刊本永陵二字互倒。據宋書改。

武帝張夫人傳。生少帝及義興恭長公主。刊本恭訛泰。據宋史及南史改。

陳後主沈皇后傳。植以奇樹。雜以花藥。刊本藥訛藥。據南史改。

後魏后妃傳序。寶林二十員。刊本二十下衍四字。據北史刪。

景穆恭皇后傳。又文成乳母常氏。刊本脫常氏二字。據北史增。

宣武高皇后傳。文昭皇后弟偃之女也。刊本偃訛優。據北史改。

北齊後主穆皇后傳陸陰結待以監撫之任不可無主刊本待訛符據北史改。

卷二十一年譜

夏肩注不降之弟刊本弟訛子據史記夏本紀及世表改。

商昌若刊本昌訛昭又冥刊本冥訛宜又太庚注沃丁之弟刊本弟訛子並據史記及世表改。

周定王注瑜匡王弟刊本弟訛子據史記周本紀及通鑑前編改。

春秋魯哀公十三年注與吳會黃池刊本脫黃字據左傳增。

卷二十二

七國趙襄子元年注封伯魯子周爲代成君刊本周訛同據史記趙世家改。

燕釐公三十年注敗齊師于林營刊本營訛孤據六國表改。

韓昭侯二年注魏取我朱刊本朱訛宋據六國表改。

六年注取陵觀廩丘案廩韓世家作邢此同六國表。

周赧王元年注宋衷曰赧溢也刊本衷訛牢又皇甫謐曰名誕刊本誕訛懿並據六國表及周本紀注改。

前漢孝元皇帝初元元年刊本元訛平據漢書改。

二年注冬十二月前將軍蕭望之自殺刊本脫二字據漢書增。

孝哀皇帝建平二年注。尊共皇太后傅氏爲帝太后。刊本帝下脫一太字。據漢書哀帝紀增。
後漢世祖光武皇帝建武十二年注。黃龍見于東河。刊本河訛門。據范書及本書帝紀改。
孝靈皇帝光和二年注。洛陽女子生兒兩頭四臂。刊本脫兩頭四臂四字。據帝紀增。

卷二十三

晉孝懷皇帝永嘉三年注。有白氣如帶。刊本帶訛騰。據本書帝紀改。

卷二十四

南北朝宋世祖孝武皇帝注。尊所生母淑媛爲皇太后。刊本淑媛訛婕妤。據帝紀及后妃傳改。
魏孝文皇帝太和二十年十二月。刊本十二訛入。據魏書通鑑及本書帝紀改。
世宗宣武皇帝延昌二年十月。恆肆地震。刊本恆訛雨。據通鑑及北魏帝紀改。
周武帝保定元年注。以少傅尉綱爲大司空。刊本尉下衍遲字。後天和六年同。據周紀及通鑑刪。

卷二十五 氏族

總目以郡國爲氏。鄧。刊本鄧訛鄭。據漢書地理志改。

以名爲氏。顓頊。刊本顓沿宋諱作玉。今改。

以官爲氏。亓官。刊本亓訛并。今改。

諸方複姓。鳧臯。刊本臯訛叟。據爾雅疏改。

卷二十六

周異姓國陳氏注。當周之興。刊本與訛與。今改。

薛氏注。東莞蘂氏。刊本蘂訛薛。今改。

周不得姓之國弦氏注。江黃道柏之姻。刊本柏訛相。據左傳改。

卷二十七

崔氏注。襄二十五年。刊本五訛三。據春秋改。

卷二十八

籍氏注。昭公十五年。刊本公下衍二字。據春秋傳刪。

卷二十九

去聲。姓案語。後漢太尉陳球碑陰。刊本尉訛守。據後漢書改。

卷三十一 六書

象形山川之形瓜。注。徐鍇曰。刊本鍇訛錯。據說文改。

艸木之形桑。注。桑之未落。刊本未訛木。今改。

卷三十二

會意拜。注。揚雄說。拜从兩手下。刊本揚雄訛楊容。拜訛文。並據說文改。

圭注。从重土。刊本从訛。以據說文改。

卷三十三

諧聲翼注。學舍。刊本學訛。李今改。

矣。注語已辭也。刊本辭訛為據說文改。

卷三十四

假借噍之為噍。注志微噍殺之音。刊本殺訛役。據禮記改。

卷二十八 天文

東方角宿平星二星在庫樓北。刊本二訛一。今改。

亢宿陽門二星在庫樓東北。刊本脫二星二字。今增。

氏宿在氏南騎官之下。都騎之將也。刊本下訛上都騎訛馬。今改。

房宿下第一星。上將也。刊本一訛四。今改。

箕星歌。其前一黑是糠皮。明則歲豐暗為饑。刊本脫明則歲豐暗為饑七字。今增。

北斗斗宿北二星杓。天府庭也。刊本脫杓字。今增。

危宿歌。墓旁兩星名蓋屋。刊本名訛能。今改。

室宿歌。東西兩下多難論。刊本東訛壁。兩下訛四星。今改。

壁宿歌。霹靂五星橫著行。土公兩黑壁下藏。刊本脫土公兩黑壁下藏七字。今增。

西方奎宿天溷七星。在外屏南。天之廁也。天策天溷與外屏一十五星皆不明。刊本脫天策句十四字。今增。

南方張宿歌。數星倚在太微旁。刊本倚訛歌。今改。

卷三十九

十二次度數營室。東壁安定入營室一度。刊本安定二字互倒。今改。

卷四十地理

歷代封畛。宋豫治汝南。刊本豫訛荆。據宋書州郡志改。

後魏主攻盱眙。注。今臨淮郡縣。刊本臨淮訛淮陽。據宋史地理志改。

唐貞觀初。分爲十道。八曰江南道。刊本南訛西。據唐六典改。

卷四十一 都邑

伏犧都陳。注。周武王封舜之後于此。刊本封訛後。今改。

十六國都。案內缺後趙及蜀。止十四國。

卷四十三 禮略

吉禮孔子祠。注。何休范甯等二十一賢。猶霑從祠。刊本一訛二。案貞觀二十一年制。稱二十一人。兼卜子。

夏數之也。此處子夏已列十哲。則止二十一賢矣。今改。

卷四十四

軍禮時儺。注。踐夔臚與罔象。刊本踐訛殘。據文選東京賦改。

卷四十五

凶禮大喪及山陵制旂之制。長三仞。刊本仞訛刀。今改。

卷四十八 器服

輦輿制。復制小輿。小行幸則乘之。刊本幸訛辛。今改。

卷四十九 樂略

白紵歌曲。注。古辭云。刊本辭訛爲。今改。

杜秋娘。注。皇子封漳王。刊本漳訛章。據唐書改。

雜體五雜組曲。刊本組訛鉏。今改。

卷五十二 職官

給事中。注。掌理六經及諸文誥。刊本誥訛語。今改。

卷五十三

僕射。注。成帝建始四年。初置尙書五人。刊本四訛元。據漢書帝紀改。

郎官總序。侍郎闕則攝其曹事。刊本攝訛離。據通典改。

令史序。請郎補千石。刊本郎訛郎。又文案煩屑。注若其不密。萬里追徵。刊本若其不訛。辛苦甚。據隋書。

劉炫傳改。又立州不過十二府。案二。劉炫傳作三。與此異。又其所具寮則長官自辟。刊本寮訛寮。

又大小之官悉由吏部。刊本官訛事。並據劉炫傳改。又官不省。案劉炫傳官下有事字。

吏部尙書注。又以吏兵尙書權位尤美。刊本吏兵訛兵部。據通典改。

案語。漢延康元年。刊本漢訛魏。案延康係獻帝年號。今改。

侍郎注。六品以下官。刊本品訛部。據通典改。

司封郎中注。故光武以馮勤爲郎中。給事尙書。刊本尙書訛郎中。據後漢書及通典改。

司勳郎中注。掌六鄉賓地之法。刊本鄉訛卿。據周禮改。

考功郎中注。漢元帝時。刊本元訛明。據漢書京房傳改。

卷五十四

監察侍御史注。晉志云。刊本晉訛宋。據晉書職官志改。

國子監四門博士注。周四郊之虞庠也。刊本四訛西。據祭義注改。

卷五十五

將軍總序。魏獻子始有將軍稱。注。獻子爲中軍帥。刊本中訛將。據昭二十八年左傳注改。

東宮官序必立太傅少傅以養之。刊本養訛資。據禮記改。

案語有中常侍高梵乘衣車來載太子。太子太傅杜喬憂懼不能止。刊本脫高梵二字。又杜喬訛高褒。並

據後漢書种暠傳增改。又乃遣喬詣臺啟白。得中奉敕。刊本喬訛褒。奉訛決。並據通鑑改。

卷五十六

歷代王侯封爵。嗣王之庶子為鄉侯。案鄉。魏志作亭。又公之庶子為亭伯。刊本伯訛侯。據魏志改。

郡佐總論。郡尉。注。又置屬國都尉。刊本都訛郡。據百官公卿表改。

卷五十七

武散官驃騎將軍。注。有驃騎時吏丁牧周栩。刊本栩訛相。據漢書東平憲王蒼傳改。

卷五十八 選舉

十萬以上歲舉孝廉一人。注。推校當時戶口。一歲所貢。不過二百餘人。刊本戶口下行二字。今刪。又宋

初年月多少。隨部議制。刊本部訛羣。據通典改。又左雷將軍謝莊上表曰。九流之雜。刊本雜訛難。今

改。又得官者不必皆待名行。刊本行訛列。又其在僻陋者。則闕而不置。刊本僻訛選。並據通典改。

又自今以後。諸授勳官者。並不得回授文官職事。刊本回訛因。據隋書改。又通文律者。然後試策。

刊本通訛議。據唐書帝紀改。又斷木為人。戴方版於頂。注。版方三寸五分。案三通典作二。又詞美

者。得不拘限而授職焉。刊本美訛義。又貞觀中京師穀貴。刊本脫中字。今並改增。

卷五十九

雜議論上。孝宣愛良吏有章劾事留中。刊本章訛常。據漢書改。又丞相王嘉薦儒者公孫光及能吏蕭咸薛修等。刊本修訛循。據漢書王嘉傳改。又今請郡縣之職吏部務取廉平正直。刊本務訛慕。今改。又考功員外郎王師且知貢舉。刊本且沿唐諱作明。下同。又脫貢字。據唐書選舉志及張昌齡傳改。增。又經學時務等比雜色人三分不居其一。刊本三訛二。今改。又請令曹司試判訖簡爲四等。注。有義行者爲一等。給送兵部者爲第二等。刊本義訛景。給訛合。並據通典改。又矯飾行能。刊本能訛之。又明經讀書勤苦。既口問義。又誦疏文。刊本既訛其。今並改。選人條例。舉人出身以後。當宜習法。刊本脫舉字。今增。雜議論下。昔李膺周舉爲刺史。刊本膺訛應。舉訛乘。據後漢書改。又謹詳度古制。刊本詳下衍案字。據通典刪。選舉雜議第二條。至而授職。何嘗寶貢。刊本嘗訛常。今改。五品以上兼察舉。選用之不公者。注。諸京師官長及觀察使刺史。刊本及訛入。今改。學校州縣學生徒有差。注。中縣三十員。下縣二十員。案六典。中縣二十五人。下縣二十人。通考。中縣中下縣各三十五員。下縣二十員。與此互異。

卷六十 刑法

丞相王嘉等便以數年之間。虧除先帝舊約。刊本虧訛戲。今改。又司徒鮑昱撰嫁娶詞訟。九百六卷。雖

大體異篇實相採入。刊本探訛探據通典改。又至於五等封爵除刑若盡永卽甄削。刊本卽訛既今改。

晉劉頌上言。因赦解結權而行之。刊本因訛囚。今改。

周官司寇有二刺三宥之法。刊本有訛曰。又鳳閣舍人崔融上議。未若回救贖之錢物。刊本未訛永。今並改。

卷六十一 食貨

田制皆于領所州縣界內給。刊本所訛側。又以上者不得過六斗。刊本上訛土。今並改。

賦稅詔曰。穀賤傷農。其令以菽粟當今年賦。刊本今訛年。據漢書改。又綠絹八尺。綠綿三兩。案綠。通典

俱作祿。後同。又其地稅約得千二百四十餘萬石。注。今亦准此計數。刊本數訛約。又其時錢穀之

司。唯務割剝。注。分命黜陟使往諸道收戶口錢穀名數。刊本黜陟訛出職。並據通典改。

丁中重斂。則多養贏而國貧。刊本贏訛羸。案管子以正戶籍謂之養羸。今據改。

卷六十二

錢幣除盜鑄錢令。使民放鑄。刊本使訛便。據漢書食貨志改。

漕運若引渭穿渠。度可三月而罷。此損漕省卒。刊本卒訛半。據史記河渠書及漢書溝洫志改。又越度

大河計車五十乘。刊本車訛奉。今改。又儻遇水旱。便卽匱乏。刊本卽訛則。據唐書改。又悉納河陰

倉刊本陰訛險。又候水漲涸刊本漲涸訛調浮並據通典改。

鹽鐵茶今宜依舊置使者監賣刊本脫依字今增。

鬻爵唐鄭叔清奏承前諸使下詔納錢物刊本詔訛召今改。

權酷賣酒斗四錢刊本賣訛費據漢書帝紀改。又及糟馱灰炭注馱才代反刊本代訛伐今改。

算緡非吏比者刊本吏訛更據史記平準書改。

雜稅令郡國無斂今年馬口錢注所謂租及六畜刊本脫及字又畜訛書並據漢書注增改。又齊武帝

時王敬則以功力有餘悉課斂爲錢刊本課訛評據齊書改。又若甲分毀壞則年一修改乙限堅完

則終歲無役刊本乙訛一今改。又注遣御史康雲間出江淮陶稅案稅通典作銳。

平糴高宗永徽二年九月頒新格刊本格格訛各今改。

卷六十三 藝文

經類周易十卷注王又元刊本又訛文據唐書藝文志改。

周易口訣六卷注史之證案崇文總目無之字。

洪範外傳十卷案傳唐書藝文志作注。

草木鳥獸蟲魚疏二卷注吳陸璣刊本璣訛機據崇文總目改。

左傳引帖斷義七卷案斷義崇文總目作新義。

卷六十四

禮類儀禮義疏二卷。案隋書經籍志疏下有見字。

小學類始學篇十二篇。刊本卷訛篇。據隋書經籍志及唐書藝文志改。

卷六十八

營陣。吳孫子三十三壘經一卷。案下三字。隋志作二。

天象。石氏星簿經贊一卷。案唐書作石氏星經簿讚。此仍隋志。

五行類。堪餘歷注一卷。案隋一卷。唐二卷。餘俱作輿。

卷六十九

藝術類。象經又一卷。注。何妥注。刊本妥訛妥。據隋書經籍志改。

醫方類。黃帝素問經九卷。注。全元起注。案起唐志及隋志俱作越。

本草衍義二十卷。注。寇崇奘撰。刊本寇訛寇。今改。

刪繁方十卷。注。謝士泰撰。案士泰。隋志作士秦。唐志作士太。又鄭注藥方一卷。注。唐志鄭撰。案今本唐

書無鄭撰二字。

文類。後漢郎中籍順集一卷。案籍。唐志作蘇。

魏司徒鍾會集十卷。刊本鍾會訛鐘會。今改。

晉鄭袤集二卷案表唐志作褒

卷七十

唐崔櫓無機集四卷案機唐志作機

軍書總戎集十卷注自戰國至隋唐三十卷刊本唐訛舊今改

卷七十四 災祥

客星注五年夏六月丁卯客星如三升椀出貫索西南案後漢書五年上有光和二字光和在中平之前

此誤爲中平時事故不著年號且列于中和二年之後

大風注其後晨迎氣東郊刊本東訛黃據後漢書五行志改

卷七十五 昆蟲草木

序是故衛宏序詩刊本故訛致今改

艾爾雅曰冰臺刊本脫艾字今增又菟葵曰天葵案此當自爲一條此誤併爲一

蘿摩諺云去家千里莫食蘿摩枸杞刊本枸訛狗今改

宜男草朝生暮落刊本生訛致今改

卷七十六

竹鄰堅中案鄰爾雅作鄰

木槿曰觀。曰日。及刊本脫日字。據爾雅郭注增。

蓬蘽。其鋪地蔓生者曰地莓。爾雅云。蔗者地莓也。案蘽。爾雅作蔗。

蚯蚓。蠹。刊本豎訛蠹。據爾雅改。

蜻蜓。叮。啞。負。勞。刊本叮訛叮。據爾雅改。

穀蠹。蛄。螿。強。苳。刊本苳訛蚌。據爾雅改。

鳳凰。晨。鳴。曰。發明。刊本明訛鳴。據宋書符瑞志改。

羆。字。林。云。刊本脫字。字。據爾雅注增。

獾。說文云。猶。獾。屬也。刊本脫文字。據爾雅注增。

鼠。廣雅謂之鼯鼠。刊本鼯訛鷄。據廣雅及本草改。

羊。吳。羊。牡。曰。粉。刊本牡訛牝。據爾雅郭注改。

卷七十七下 周同姓世家

晉必得蕭桐姪子爲質。刊本桐訛同。案下文旣作蕭桐。則此處不應從春秋傳作同。今據史記改。

曹令軍中無入釐負羈之宗族。刊本釐訛僖。據史記改。

鄭公子子孔。使尉止殺子駟而代之。刊本公下脫一子字。今增。

魏入朝而爲臣。刊本朝訛韓。今改。

韓公戰而勝。楚遂與公乘。楚施山川而歸。刊本施訛弛。案史記正義施猶設也。今據改。

卷七十八上 宗室

前漢吳王濞傳。吳有章郡。刊本有下衍豫字。據宋祁注刪。

楚元王交傳。竊惟春秋災異以效今事。案效漢書作救。又物盛必有非常之變。先見爲其人徵象。刊本

徵訛微。今改。

淮南厲王長傳。奉以二千石所當得。案史記所下有不字。此仍監本漢書。又尉奇等往捕伍開章。長匿

不與。故中尉簡忌謀殺以閉口。案簡漢書作簡。師古曰嚴助傳作間字。音同耳。或有作簡者。非也。蓋後

人所改。又立厲王三子王淮南王故地。三分之。案漢書淮南下無王字。又淮南王安爲人好書鼓

琴。刊本琴訛瑟。據漢書改。

卷七十八下

燕刺王旦傳。賜燕王錢二十萬。案二十漢書作三千。據下文益封萬三千戶。則二十萬之數殊不稱。當以

監本漢書爲正。

卷七十九

魏曹真傳。亦知範剛毅。刊本毅訛毅。據魏略改。

任城威王彰傳。卿新有功。刊本新訛親。據魏志改。

吳孫翊傳。建安八年。刊本安下衍十字。案傳末時建安九年也。則十字是衍文。今據吳志刪。又翊妻徐氏。購募追捕。刊本購訛構。今改。

孫和傳。少以母王氏有寵。刊本脫氏字。今增。

卷八十一

晉彭城穆王權傳。騰出後叔父悌。案晉書無悌字。又永興初。轍令劉根起兵東萊。刊本轍訛轍。案說文。

轍從中。弦聲。漢地理志東萊郡轍縣。師古注音堅。今據改。

范陽康王綏傳。彭城王權季弟也。刊本城訛越。據晉書改。

濟南惠王遂傳。退屯於女媧堡。刊本媧訛媧。據晉書改。

梁孝王彤傳。陳留蔡充。刊本充訛克。據晉書改。下同。

惠帝愍懷太子遙傳。于是使太保衛瓘息庭。刊本瓘下衍之字。據晉書刪。

卷八十二

汝南文成王亮傳。永興初。率衆依東海王越。刊本脫衆字。據晉書增。

卷八十一

宋臨川烈武王道規傳。引爲佐史。刊本史訛吏。今改。

廬陵孝獻王義真傳。使左右剔母舫函道。施已船而取其勝者。刊本母訛每。今改。

彭城王義康傳。烏程令盛曇泰。刊本曇訛雲。據南史改。又遣中書舍人嚴蔚齋藥賜死。案蔚。宋書作龍。此依南史改。

江夏文獻王義恭傳。國官三冬不得跣登國殿。案三冬。宋書及南史俱作正冬。

元凶劭傳。立司隸校尉以殷仲素補之。案殷仲素。南史及宋書俱作殷冲。據傳後云。僞司隸校尉殷冲。則此處誤也。又魯秀等募勇士百人攻大航。刊本航訛舫。據南史改。下同。

豫章王子尚傳。比州治中從事。刊本治訛從。據宋書改。

卷八十二

南齊始安貞王道生傳。建武元年。案元。齊書作二。

始安王遙光傳。東昏召尚書令徐孝嗣屯衛宮城。案南史及齊書俱無此句。

安陸昭王綽傳。竟陵王子良與之書。刊本竟訛景。據南史改。

新吳侯景先傳。以景先領軍主。刊本主訛王。今改。

臨汝侯坦之傳。帝于宮中及出後堂。雜狡獪。刊本堂訛常。又官有何事。一旦便欲廢之。刊本官訛言。並

據南史改。

豫章文獻王嶷傳。攸之責賧千萬。駒三百萬頭。嶷發氣死。案南史及齊書俱作攸之責賧千萬頭。嶷輸五百萬。發氣死。又給班劍二十人。刊本二十訛十一。又義陽武陵天門南平郡四界。刊本陵訛鄰。並

據齊書改。又啓荊州刺史隨王子隆請罪丕。刊本隆訛降。今改。又宮人畢至登桐臺。刊本桐訛相。據齊書改。又書成百餘卷。表奏之。刊本奏訛奉。今改。

武陵昭王曇傳。居止附身所須而已。刊本止訛上。今改。又梓中菘菜鮑魚而已。案鮑。南史作鮑。史記貨殖傳注。鮑魚。卽今之鮑魚。

鄱陽王鏘傳。排牆叫噪而入。刊本排訛挑。據南史改。

始興簡王鑑傳。吾意常不同。刊本同訛周。據南史改。

江夏王鋒傳。高常使學鳳尾諾。刊本諾訛詔。據南史改。

竟陵文宣王子良傳。宋元嘉中。刊本嘉訛喜。據南史改。又及朝貴辭翰。皆發教授錄。刊本翰下行者字。

今刪。又嘗著西京雜記六十卷。刊本雜訛新。據南史改。

鄱陽王寶夤傳。與其兄遐糾率鄉義。刊本糾訛記。據魏書改。

卷八十三上

梁吳平侯景傳。終於治書侍御史。刊本沿唐諱刪治字。今增。後並同。又景初到州。省除參迎。刊本參訛

三。今改。又左右嘗將羹至胸前翻之。刊本至訛正。據南史改。又謚曰恭子。案子。南史作侯。

長沙宣武王懿傳。詔旣承旨撰著。多所實錄。案所。南史作非。與此異。

臨川靜惠王宏傳。屯朱雀航。刊本航訛舫。又衆中叱罵。刊本叱訛託。今改。

南平元襄王偉傳。偉取襄鄉寺銅佛毀以爲錢。案鄉。南史作陽。鄱陽忠烈王恢傳。範亦馳啟自理。武帝恕焉。刊本恕訛怒。今改。

卷八十三下

昭明太子統傳。饒歌輟奏。刊本輟訛輒。據南史改。

豫章王綜傳。太府卿祖暅。刊本府訛舟。據南史改。

南康簡王績傳。爲魏師所敗。刊本敗訛侵。今改。又問事之所起。刊本起訛被。據南史改。

邵陵攜王綸傳。尤工尺牘。刊本尤訛猶。今改。又以血書壁。刊本壁訛歷。據南史改。又賊使負袍。案袍。

南史作砲。

武陵王紀傳。椎床聲聞于下。刊本椎訛推。今改。

卷八十四下

後魏南安王楨傳。累表請軍。刊本表訛拜。據魏書及北史改。又榮之入洛也。刊本榮訛業。據魏書改。

卷八十五上

北齊趙郡王琛傳。長史宋欽道。刊本宋訛永。據北齊書及北史改。

陽州公永樂傳。尋爲南營州刺史。刊本脫南字。據北齊書及北史增。

平秦王歸彥傳。先是冀州長史。刊本長訛刺。據北齊書及北史改。

彭城景思王浹傳。封長樂郡公。刊本脫封字。據北齊書及北史增。又有隰沃縣主簿張達。刊本沃訛浹。今改。

廣寧王孝珩傳。畫一蒼龍案龍。北齊書及北史作鷹。與此異。
南陽王綽傳。以五月五日辰時生。刊本辰訛丙。據北齊書及北史改。
淮南王仁光傳。詔與蕭琮陳叔寶修其本宗祭祀。刊本琮訛琛。據北齊書及北史改。

卷八十五下

後周邵惠公顥傳。武成元年。刊本元訛九。據後周書及北史改。
齊煬王憲傳。齊人復據高壁及洛女砦。刊本脫砦字。據後周書及北史增。
隋滕穆王瓚傳。呼術者王姿問之。案姿。隋書及北史作琛。與此異。
衛昭王爽傳。高平虞慶則等。刊本慶訛世。據隋書及北史改。
河間王弘傳。懸賞千金之購。刊本賞訛當。據北史改。
房陵王勇傳。又東宮宿衛之侍官以上。刊本宿訛宮。據隋書改。
庶人諒傳。薛粹爲絳州。刊本脫薛字。據隋書及北史增。

卷八十六 周異姓世家

齊無知自立爲齊君。刊本君訛公。據史記改。

宋曰急常寒若曰蒙常風若刊本脫曰蒙常風若五字。又楚共王拔宋之彭城刊本拔訛伐並據史記

增改。

楚以弟熊嚴爲後刊本脫爲後二字據史記增。

卷八十七

越齊威王使人說越王曰刊本說訛詔據史記改。

趙靈公立十四年刊本脫四字據史記增。又程嬰謂公孫杵臼曰刊本謂訛請。又於是趙北有代南

并知氏刊本知訛和。又禮者所以便事也刊本脫此一句並據國策及史記改增。

卷八十八 列傳

孔子傳踐土之會實召周天子刊本脫踐土之三字據史記增。

宓不齊傳少孔子四十九歲案四十九家語作三十與此異。

商瞿傳少孔子二十九歲刊本脫九字據史記增。

梁鱣傳字叔魚刊本魚訛思據家語及史記改。

韓非傳爲說難書甚具刊本具訛易。又以此相持刊本持訛時並據史記改。

卷八十九

周劉康公傳其何事不徹刊本何訛作據國語改。

單襄公傳。本見而草木節解。刊本脫草字。又言義必及利。刊本利訛制。又言勇必及制。刊本制訛利。

並據國語增改。

太子晉傳。聽言昭德。刊本昭訛以。據國語改。

魯季文子傳。七年吳伐郟。刊本脫七年二字。據春秋左傳增。

季桓子傳。自虞以上爲陶唐氏。刊本自下衍唐字。又處不辟汙。刊本汙訛行。並據左傳刪改。

卷九十

晉胥臣傳。不敢以禮致之。歡之故也。刊本歡訛懼。又二帝用師以相濟也。刊本濟訛擠。又泉原以資

之。刊本原訛貨。又衆而順嘉也。故曰亨。刊本脫故曰亨三字。並據國語增改。又詢于八虞而諮于

號。刊本諮訛詔。據國語改。

智武子荀罃傳。晉士莊子爲載書。刊本晉訛鄭。據左傳改。

欒武子書傳。及晉悼十二年。刊本悼訛平。據國語改。

卷九十一

鄭公孫僑傳。祓禳於四方。刊本四訛西。據左傳改。

衛甯莊子傳。國不可得也。刊本得訛待。據左傳改。

蘧瑗傳。則缺御毀首碎胸。刊本缺訛決。據莊子改。

卷九十二

齊管敬仲傳。戎車待游車之裂。刊本裂訛翦。又里退而修軌。刊本脫此一句。並據國語改增。又山澤各致其時。刊本山上衍不字。又輕罪贖以贛楯一戟。刊本贛訛鞞。並據國語刪改。

晏平仲傳。以平其心。成其政也。刊本政訛聲。據左傳改。

崔武子傳。不以兵甲。刊本甲訛車。據左傳改。

楚沈諸梁傳。其展也足以復之。其周也足以蓋之。刊本脫其周也一句。又夫誰無疾。皆刊本誰訛唯。並

據國語增改。

延陵季子傳。曰美哉蕩乎。刊本複衍蕩字。據左傳刪。

卷九十三

戰國田單傳。與其生而無義。刊本脫無字。據史記增。

魯仲連傳。好奇偉俶儻之畫策。刊本偉訛律。據史記改。又則臣見公之不能得也。刊本脫不字。據戰國

策及史記增。

蘇秦傳。秦攻趙則韓守宜陽。刊本趙訛魏。據國策及史記改。又韓北有鞏洛成臯之固。刊本脫洛字。據

史記增。

張儀傳。不親於楚。則楚攻其南。刊本脫則字。據史記增。

商鞅傳各以率受上爵刊本率訛卒。又則恐僕貪位貪名也刊本脫貪位二字並據史記改增。
甘茂傳且王前嘗用召滑於越刊本越訛趙據國策及史記改。

卷九十四

孟嘗君買肥牛刊本脫買字據史記增。

春申君傳絕楚魏之脊案魏史記作趙。又其於禁王之爲帝有餘矣刊本帝訛楚今改。又而李園女

弟刊本脫女字據史記及上文增。

屈原傳然終無可柰何刊本終訛後據史記改。

李斯傳爲之柰何刊本柰訛禁據史記改。

蒙恬傳可謂知意矣刊本謂訛得據史記改。

卷九十五

前漢魏豹傳豹詣滎陽刊本詣訛諸據漢書改。

盧縮傳嘗告過趙刊本告訛言據漢書改。

卷九十六

曹參傳卽召除爲丞相史刊本史訛吏據史記及漢書改。

張良傳沛公自雒陽南出轅轅刊本陽下衍西字據史記及漢書刪。

王陵傳問天下一歲錢穀出入幾何刊本脫一字據史記及漢書增

周勃傳攻蒙虞刊本蒙訛蘭據史記及漢書地理志改 又定代郡九縣刊本定代訛陳武據史記及漢

書改 又皆非惠帝子刊本皆非二字互倒據漢書改

申屠嘉傳躡躡廉謹注躡躡持謹之貌刊本謹訛忍據史記及漢書注改

卷九十七

息夫躬傳躬寵乃與中郎右師譚刊本右訛之據漢書改

衛綰傳恐文帝謂豫有二心事太子也案此二句係史記及漢書注刊本撥入正文誤

賈誼傳夫禍之與福何異糾纏刊本纏訛纏據史記及漢書改 又爲之繡衣絲履刊本絲訛緣據漢書

改

袁盎傳而誅諸呂存劉氏刊本誅訛諫據漢書改

鼂錯傳卽有險阻以此當之刊本當訛通 又十連一邑刊本連訛里並據漢書改

鄒陽傳兵加胡越刊本兵訛其據漢書及文選改 又是時景帝少弟梁孝王貴盛亦待士刊本待訛得

據漢書改 又夫王奢樊於期非新於齊秦而故於燕魏也刊本魏訛趙據漢書及文選改

卷九十八上

灌夫傳與長孺共一禿翁注禿翁言嬰無官位版綬也刊本綬訛授據漢書注改

卷九十八下

司馬相如傳。其山則盤紆澗鬱。刊本辨訛第。又華楓枰櫨。刊本楓訛風。並據漢書及文選改。又步騎之所蹂若。刊本脫步字。據文選增。又故遣中郎將往賓之。刊本賓訛賞。又終則遺顯號於後世。刊本脫後字。又且因宣其使指。令百姓皆知天子意。刊本指訛詣。又陞躐輻轄容以飢麗兮。刊本脫容字。又而修理地祇。刊本地訛以。並據史記及漢書改。

卷九十九

總目。楊敞子惲。刊本子訛弟。據漢書改。

張騫傳。大夏去漢萬二千里。刊本萬訛南。據漢書改。又南方閉塞。注。先藥反。刊本藥訛藥。據漢書注改。

又西擊塞王。注。塞。西域國名也。刊本域訛城。又遣人使貳師約曰。刊本脫約字。並據漢書增改。

嚴助傳。近者親附。刊本親訛新。據漢書改。

吾丘壽王傳。天祚有德。刊本有訛不。據漢書改。

王褒傳。故有園空之隆。刊本園訛園。據漢書及文選改。

楊王孫傳。進醫藥。刊本進下衍近字。據漢書刪。

卷一百

霍光傳。敢有毀者坐之。刊本毀者訛譖光者。據漢書本傳改。又光遣宗正劉德。刊本脫光字。又趙平爲散騎都尉。刊本脫一騎字。並據漢書增。

金日磾傳。武帝元狩中。刊本狩訛始。據漢書本傳及武帝本紀改。又上召岑拜爲郎。刊本脫郎字。又

徵爲大司徒。司直京兆尹。刊本徒訛馬。並據漢書增改。

趙充國傳。以六郡良家子。注。金城隴天西水北地上郡。刊本天水訛北地。據漢書改。又兵難險度。刊本

險下衍遙字。案漢書顏注曰。險讀作遙。此蓋因注文誤入者。今刪。又望見大軍欲渡湟水道。阮狹。刊

本阮訛沅。又糴二百萬斛穀。刊本二訛三。並據漢書改。

傅介子傳。介子至龜茲。復責其王。刊本脫介子至龜茲五字。據漢書增。

常惠傳。發龜茲東國一萬人。案一漢書作二。

陳湯傳。屠五重城。刊本五訛三。又不察周書之意而忘帷蓋之施。刊本蓋訛幄。據漢書改。

段會宗傳。卽誅末振將太子番丘。刊本丘訛兵。據漢書改。

朱雲傳。一色成體。謂之純。刊本純訛醕。據漢書改。

平當傳。災害不生。刊本生訛成。據漢書改。

貢禹傳。攻山取銅鐵。刊本鐵訛錢。據漢書改。又然嘉其質直之意。刊本意訛愚。據漢書改。

兩龔傳。勝字君賓。舍字君倩。刊本賓訛裳。據漢書改。

鮑宣傳。守東州丞。刊本東訛東。據漢書本傳及地理志改。又位皆列三公。刊本三訛二。據漢書改。

卷一百一

章賢傳。孟作詩諷諫。刊本脫詩字。據漢書增。

魏相傳。諸上書者皆爲二封。刊本二訛三。又元鼎二年。刊本二訛三。據漢書改。

內吉傳。視遇甚有恩惠。刊本視訛親。據漢書改。又瑣錄未已。案漢書無瑣錄二字。又嘗從祠高廟。刊

本祠訛事。又孝宣皇帝時。臣上書言狀。刊本脫孝宣二字。並據漢書改增。

趙廣漢傳。尉史禹。刊本史訛吏。案漢書文穎注曰。尉史。尉部史也。禹其名。今據改。

張敞傳。田完有功於齊。皆疇其官邑。刊本官邑訛庸。又吏追捕有功效者。刊本脫者字。並據漢書改增。

王尊傳。御史大夫忠奏尊暴虐。刊本忠訛中。據漢書改。

蓋寬饒傳。惟謹慎爲得久。刊本久訛又。據漢書改。

鄭崇傳。又以董賢貴寵過度。刊本董訛重。今改。

京房傳。道人當逐死。刊本逐訛遂。又欲令主上求書入朝。得佐助房。刊本佐訛任。並據漢書改。

李尋傳。任以大職。刊本大訛天。據漢書改。

卷一百二上

蕭望之傳。攘所受監賊。刊本攘訛讓。據漢書改。

馮奉世傳。永光二年。刊本光訛元。又進退恂恂。刊本進退訛進進。並據漢書改。

孔光傳。匡衡舉光方正爲諫大夫。刊本諫下衍議字。據漢書刪。

史丹傳。丹爲人知足。刊本知足互倒。據漢書改。

朱博傳。封列侯皆增奉如丞相。刊本皆字訛在封字上。據漢書改。

翟方進傳。爲棄去宣家者以避害。刊本以上衍可字。據漢書刪。

卷一百二下

杜鄴傳。思承始初事稽諸古。刊本訛事稽諸古以收帝怒。據漢書改。

揚雄傳。先是蜀有司馬相如。刊本是下衍時字。又鸞鳳紛其御。蕤刊本御訛銜。又破穹廬腦沙幕。刊

本沙幕二字互倒。並據漢書刪改。

卷一百三

王莽傳。敢爲激發之行。刊本激發二字互倒。據漢書改。又中壘校尉曰軍正。刊本脫壘校二字。案劉攽

曰。中尉廢久。安得更名。當是中壘校尉。今據增。又率土之濱。刊本濱訛賓。據漢書改。

